

ଗାଲାତୀୟମାନଙ୍କ ନିକଟକୁ ପାଉଲଙ୍କ ପତ୍ର **ଗାଲାତୀୟତ୍ୱ ଗାର୍ବେ ପାଉଲ୍‌ତାଦ୍ ଚିତି** **ଗାଲାତୀୟ ବଇ ବିଷୟରେ ଅଣ୍ଟୟ ପଦ୍**

ଗାଲାତିୟ ଚିତି ପ୍ରେରିତ୍ ପାଉଲ୍ ତତ୍ ଲେକା ଆସ୍‌ମିନ୍ଦେ ୧:୧ । ଇଦ୍ ଚିତି ଗାଲାତିୟ ମଣ୍ଡଳିତ୍ ବିଶ୍ୱାସି ନାରୁତ୍‌କ୍ ଜିସୁ କ୍ରିଷ୍ଟନ୍ ଜନମ୍‌ତେ ୪୮-୫୭ କ୍ରିଷ୍ଟାବ୍ଦ ଲୋପେ ଲେକା ଆସ୍‌ମାତ୍‌ତେ । ସମ୍ଭାବନା ଗାଲାତିୟତ୍‌ରୋମିୟ ଦେଶ୍‌ତେ ଗାଲାତିଆତାର୍ ବାସେ ମାଡ଼ମାଡ଼ତତ୍ ।

ପାଉଲ୍ ଇଦ୍ ଚିତି ଲେକାନ୍ ଝେଲେ ବେଗେ ମାଡ଼ତଣ୍ଟ ଇଗେ ପଣ୍ଡିତ୍ ନାରୁତ୍ ନିଜାମ୍ ପୁନତ୍, କିନ୍ତୁ ଏପିସି ବା କରନ୍ତି ଇସ୍ତୁ ରେଣ୍ଟ ପଡ଼୍‌ମେ ଆସ୍‌ମାନ୍ତେ ଇଞ୍ଜ କେତିତତ୍ । ପାଉଲ୍ ଗାଲାତିୟ ମଣ୍ଡଳିତେ ରେଣ୍ଟ ଆଶେତୁତ୍ ଯିହୁଦି ନୁ ଅଣିଯିହୁଦି କ୍ରିଷ୍ଟିୟାନ୍ ନାରୁତ୍‌ତେ ପାତା ଇସ୍ ଚିତି ଲେକିମିନ୍ଦେଣ୍ଟ । ଅଣ୍ଟ ନିଜର୍ ଇସାବ୍‌ତେ ମିର୍ ଶିକ୍ଷାତିଙ୍କ୍ ମୁକାବେଲା ମାଡ଼ାନଙ୍କ୍ ଲେକିମାଡ଼ତଣ୍ଟ, ଆଦ୍ କ୍ରିଷ୍ଟିୟାନ୍ ନାରୁତ୍‌କିଙ୍କ୍ ପାଃନ୍ତେ ନିୟମ୍‌ତାଦ୍ ଯିହୁଦି ନିୟମ୍‌ତେ ଇସାବ୍‌ତେ ତାଲେମ୍ ଆଦାନଙ୍କ୍ କେଡ଼ତତ୍, ନିଜର୍ ଇସାବ୍‌ତେ ସୁନ୍ନତ ବିଦି ବିଷୟତେ । କ୍ରିଷ୍ଟିୟାନ୍ ନାରୁତ୍‌ଲୋପେଙ୍କ୍ ବେସ୍‌କେ ମାନ୍ଦେ ମାଡ଼ତତ୍, ବେନଡ଼କିଙ୍କ୍ ଯିହୁଦି ଗର୍‌ତେ ତାକାନ୍ ନାରୁତ୍ କେସମାଡ଼ତତ୍ ଅଡ଼୍, ଅଣିଯିହୁଦି କ୍ରିଷ୍ଟିୟାନ୍ ନାରୁତ୍‌କିଙ୍କ୍ ସୁନ୍ନତ ବିଦି ପାଲନ ମାଡ଼ାନଙ୍କ୍ କେସମାଡ଼ତତ୍ । ଅଡ଼୍ ଗାଲା ପାଉଲ୍‌ତେ ପ୍ରେରିତ୍ ଆସ୍‌ମାନ୍ଦାନ୍ ଅଦିକାର୍ ବିଷୟତେ ପ୍ରଶ୍ନ ମାଡ଼ମାଡ଼ତତ୍ । ପାଉଲ୍‌ତେ ବେସ୍‌କେ ଝେଷଡ଼ ଲୋପେଙ୍କ୍ ଅନ୍ ପ୍ରେରିତ୍ ଆସ୍‌ମାନ୍ଦାନ୍ ବିଷୟ କେସ୍ ଅଡ଼କିଙ୍କ୍ ବିରୁଦ୍ ମାଡ଼ିତଣ୍ଟ ୧:୧୧-୨:୧୪ ମେଣ୍ଟେ ଜିସୁ କ୍ରିଷ୍ଟଙ୍କ୍ ବିଶ୍ୱାସ୍ ମାଡ଼ାନ ତତ୍ ମୁକ୍ତି ପାଏମ୍ ଆଦାନାଦ୍ ଇଦ୍ ବୁଜାମାଡ଼ି ସୁସମାଚାର୍‌ତିଙ୍କ୍ ରକ୍ଷା ମାଡ଼ିତଣ୍ଟ ୨:୧୭ । ବାଡ଼ ଇଶ୍ବରତେ ଦୟାତାଗାଙ୍କ୍ ଆସ୍‌ମାନ୍ତେ ନାରୁତ୍ ବାଡ଼ ମାଡ଼ିମାନ୍ତତ୍ ଆଗାଙ୍କ୍ ଆୟ ।

ବଇତ୍ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ପାଉଲ୍‌ରେ ନମସ୍କାର । ୧:୧-୫
 ୨. ପାଉଲ୍‌ରେ ମୁନେନ୍ଦ୍ ଜିହ୍ୱା, ତାନ୍ ଶିକ୍ଷା ଇଦାନ୍ ଅଦିକାର,
 ନିୟମତାଦ୍ ପାଡ଼ନ୍ତି ବିଷୟରେ । ୧:୬-୨:୨୧
 ୩. ନିୟମତାଦ୍ ପାଡ଼ନ୍ତି, ମେଣ୍ଟେ ଇଶ୍ୱରରେ ଦୟାତାଗାଙ୍କ ମୁକ୍ତି
 ବିଷୟ । ୩:୪
 ୪. ସାୟେ କ୍ରିଷ୍ଟିୟାନ୍ ଜିହ୍ୱା ବାଦକାନ୍ ସେଙ୍ଗେ ନିର୍ଦ୍ଦେଶ । ୫:୧-
 ୬:୧୦
 ୫. ପାଉଲ୍‌ରେ ନମସ୍କାର ନୁ ଇଶ୍ୱର ତତ୍‌ଜିହ୍ୱା ବାଦଲେମ୍ ଆଦାନ୍
 ବିଷୟ । ୬:୧୧-୧୮

^୧ ନାନ୍ ପାଉଲ୍ ପ୍ରେରିତ୍ ଶିଷ୍ୟ ଆଦାନ୍ ସେଙ୍ଗେ ନାନ୍ ନାରୁଡ଼ାଗାଙ୍କ
 କି ନାରୁଡ଼କିନ୍ ଲୋପେଙ୍କ କାର୍ଜାନାଦ୍ କେଞ୍ଜି ଖାଡ଼ନ୍, ଇଦ୍ କାର୍ଜାନାଦ୍
 ନିଜେ ଇଶ୍ୱରତାଗାଙ୍କ ନୁ ଅଣ୍ଟ ବେନଙ୍କ ତଲ୍‌ତାଗାଙ୍କ ତେଏଡ଼ତଣ୍ଟ, ଆ
 ଜିସୁ କ୍ରିଷ୍ଟ ନାଗାଙ୍କ ପାଏମ୍ ଆଡ଼ତାନ୍ ।

^୨ ମେଣ୍ଟେ ଇଗେ ନାତଡ଼୍ ମାନ୍ଦାନ୍ ସାରେ ବିଶ୍ୱାସୀ ଦାଦାନଡ଼୍ ନୁ
 ହେଲାୟ୍‌ନଡ଼ି ଗାଲାତିୟ ମଣ୍ଡଲିକିଙ୍କ ଚିଟି ଲେକି ନମସ୍କାର ମାଡ଼ତୁମ୍
 ।

^୩ ମାନ୍ ବାବାଲ୍ ଇଶ୍ୱର ନୁ ପ୍ରବୁ ଜିସୁ କ୍ରିଷ୍ଟ ମିକିଙ୍କ ଅନୁଗ୍ରହ ନୁ ଶାନ୍ତି
 ଇଞ୍ଜିଣ୍ଟ ।

^୪ ଇଞ୍ଜେ ଇଦ୍ ପାପ୍ ଜଗଡ଼ତାଗାଙ୍କ ମାକିଙ୍କ ଉଦ୍ଧାର ମାଡ଼ାନ୍
 ସେଙ୍ଗେ, ମାନ୍ ଇଶ୍ୱରରେ ଇଚ୍ଛା ପାଲନ୍ ମାଡ଼ି, କ୍ରିଷ୍ଟ ମାନ୍ ପାପ୍
 ସେଙ୍ଗେ ଅଣ୍ଟ ତାନ୍ ନିଜର୍ ଜିହ୍ୱା ଇଡ଼ତନ୍ ।

^୫ ଯୁଗ୍‌ଯୁଗ୍ ଇଶ୍ୱର ଗୌରବ୍ ପାଏମ୍ ଆୟିଣ୍ଟ । ଆମେନ୍ ।

ଆଣ୍ଟୟେ ମେଲ୍‌ତା କାବୁର୍

^୬ କ୍ରିଷ୍ଟନ୍ ମେଲ୍‌ତା କାବୁର୍ ତଡ଼୍ ବେନ ମିକିଙ୍କ କାରଙ୍ଗି ମାଡ଼ତଣ୍ଟ,
 ଇସର୍ ସିଟ୍‌ପାଟ୍ ମିଡ଼୍ ଅକିଙ୍କ ଝିଡ଼ସି ମେଣ୍ଟଅଣ୍ଟ ମେଲ୍‌ତା କାବୁର୍ତିଙ୍କ
 ଚାୟେମ୍ ଆଡ଼ତିଡ଼, ଆଦିଙ୍କ ନାନ୍ ଗାଟି ଆଶର୍ଯ୍ୟ ଅଦୁତାନ୍ ।

^୭ ନିଜାତାଦ୍ “ମେଣ୍ଟଅଣ୍ଟ ମେଲ୍‌ତା କାବୁର୍,” ଇଲ୍‌ଲେ ।
 ବାତେଙ୍କଇଡ଼କେ ନାନ୍ ଇଦ୍‌ରକମ୍ କେଡୁତାନ୍, ବେସକ୍‌ଡ଼ୁଡ଼ କ୍ରିଷ୍ଟନ୍
 ମେଲ୍‌ତା କାବୁର୍ତିଙ୍କ “ମେଣ୍ଟଅଣ୍ଟ ଲେକାମ୍ ଇସ୍, ମିକିଙ୍କ କାବା
 ମାଡ଼ାନଙ୍କ ଚାଏମ୍ ଅଦୁତଡ଼୍ ।”

୮ ଇଡକେ ମାମ୍ ମି ବକେଡ଼ ବେନ୍ ମେଲ୍ତା କାବୁର୍ ପ୍ରଚାର୍ ମାଡ଼ି ମାଡ଼ତମ୍, ଯଦି ଆଦିନାଗାଙ୍କୁ ଝେରେ ଅଣ୍ଡୟ୍ ମେଲ୍ତା କାବୁର୍ ମାମ୍ ନିଜେ କି ସ୍ୱର୍ଗଦୂତ ପ୍ରଚାର୍ ମାଡ଼କେ, ଆଲେକେ ଅଣ୍ଡ ଅବିଶାପ୍ ପାଏମ୍ ଆୟିଣ୍ଡ ।

୯ ମାମ୍ ମୁନେନ୍ ଇଡ଼ କେସ୍ ମାଡ଼ତମ୍ ନୁ ଇଞ୍ଜେ ନାନ୍ ମେଣ୍ଡାଅଣ୍ଡାମ୍ କେଡୁତାନ୍, ମିଡ଼ ବେନ୍ ମେଲ୍ତା କାବୁର୍* କେଞ୍ଜିଡିଡ଼, ଆଦିନାଗାଙ୍କୁ ଝେରେ ମେଲ୍ତା କାବୁର୍ ଯଦି ବେନ୍ ପ୍ରଚାର୍ ମାଡ଼ିଡ଼ଣ୍ଡ, ଆଲେକେ ଅଣ୍ଡ ଅବିଶାପ୍ ପାଏମ୍ ଆୟିଣ୍ଡ ।

୧୦ ଇଡ଼ କେଞ୍ଜି ମିଡ଼ ବାଡ଼ ଆଲ୍‌ସୁଡିଡ଼, ନାନ୍ ବାଡ଼ ନାରୁଡ଼ାଡ଼ ସପର୍ ପାଏମ୍ ଆଦାନଙ୍କୁ ଚାଏମ୍ ଆଦୁତାନ୍ ? ଇଲ୍‌ଲେ, ବେସୁର୍ ଆୟ । ନାନ୍ ଇଶ୍ୱରତିଞ୍ଜେ ସପର୍ ମାଡ଼ୁତାନ୍ । ନାନ୍ ବାଡ଼ ନାରୁଡ଼ ଲୋପେଙ୍କୁ ସାୟେ ଆଦାନଙ୍କୁ ଚାଏମ୍ ଆଦୁତାନ୍ ? ନାନ୍ ଯଦି ନେଣ୍ଡଜାକ ସାୟେ ଆଦାନଙ୍କୁ ଚାଏମ୍ ଆୟେନ୍, ଆଲେକେ ନାନ୍ ନେଣ୍ଡ କ୍ରିଷ୍ଟଟନ୍ ସେବକ୍ ଆୟନ୍ ଆୟେନ୍ ।

ପାଉଲ୍ ବେଲା ପ୍ରେରିଡ଼ ଶିଷ୍ୟ ଆଡ଼ତଣ୍ଡ

୧୧ ଆ, ଦାଦାଲଡ଼ି ନୁ ଏଲ୍‌ସ୍ମିନଡ଼ି, ମିକିଙ୍କ କେସ୍ ନେଏଡୁତାନ୍, ନାନ୍ ବେନ୍ ମେଲ୍ତା କାବୁର୍ ପ୍ରଚାର୍ ମାଡ଼ିଡ଼ାନ୍, ଆଡ଼ ନାରୁଡ଼ାଗାଙ୍କୁ ତିଆର୍ ଆୟ ।

୧୨ ନାନ୍ ବେନେ ନାରୁନାଗାଙ୍କୁ ଆଡ଼ ପାଏମ୍ ଆୟନ୍, କି ବେନ ନାକିଙ୍କୁ ଆଡ଼ ଶିକ୍ଷା ଇଞ୍ଜିଣ୍ଡ । ଜିସୁ କ୍ରିଷ୍ଟ ନିଜେ ଆଡ଼ ନା ବକେଡ଼ କେଡ଼ତଣ୍ଡ ।

୧୩ ☆ଇଡ଼ଦି ଦର୍ମତିଙ୍କୁ ପାସ୍‌କାନ୍ ଝେଲେ ନାନ୍ ବେଦ୍‌ରକମ୍ ବାଦକ ମାଡ଼ିଡ଼ାନ୍, ବେଦ୍‌ପୁଟୁଙ୍କୁ ଉର୍ଦ୍‌ୟ ଇଲ୍‌ଝେ ନାରୁଣ୍ଡ ଲେକାମ୍ ଇଶ୍ୱରତିଙ୍କୁ ପୁଜେ ମାଡ଼ାନ୍ ମଣ୍ଡୁଲିଡିଙ୍କୁ ତାଡ଼ନା ମାଡ଼ମାଡ଼ିଡ଼ାନ୍ ନୁ ଆଦିଙ୍କୁ ଦଂସ ମାଡ଼ାନ୍ ସେକ୍ଷେ ବେଦ୍‌ପୁଟୁଙ୍କୁ ପାର୍‌ତେ ଇସର୍ ଚାଏମ୍ ଆସ ମାଡ଼ିଡ଼ାନ୍, ଇଞ୍ଜୁ ସାରେ ବିଷୟ ମିକିଙ୍କୁ କେସିଡ଼ତଡ଼ ।

* ୧:୯ ମେଲ୍ତା କାବୁର୍ ଇକେ ଜିସୁ କ୍ରିଷ୍ଟନାଡ଼ ସୁସମାଚାର୍ ☆ ୧:୧୩ ପ୍ରେରିଡ଼ ୮:୩; ୨୨:୪,୫; ୨୨:୯-୧୧.

୧୪ ✧ ଇଉଦି ଦର୍ମ ପାଲନ୍ ମାଡାନାଗ୍ ବସ୍ ବେସୁର୍ ଇଉଦିଡ୍, ଲୋପେଙ୍କ୍ ନାନ୍ ମୁନ୍ନେ ମାଡ୍ତାନ୍ ମେଣ୍ଟେ ମାନ୍ ଆନିଦାଦିଡ୍, ପରମ୍ପରାତାଗ୍ ଗାଟି ପେକେ ମାଡ୍ତାନ୍ ।

୧୫ ✧ ଇଡ୍‌କେ ଇଶ୍ବର ନାକିଙ୍କ୍ ଅନୁଗ୍ରହ ମାଡି ନାଝାଦ୍ ଜନମ୍ ଆଦାନ୍ ମୁନ୍ନେ ଏଞ୍ଜିମାଡ୍‌ତଣ୍ଟ୍ ନୁ ଅନ୍ ସେଝା ମାଡ୍ତାନ୍ ସେଙ୍ଗେ ନାକିଙ୍କ୍ କାଙ୍ ମାଡ୍‌ତଣ୍ଟ୍ ।

୧୬ ଅଣଇହୁଦୀଡ୍, ବକେଡ୍ ମେଲ୍‌ତା କାବୁର୍ ପ୍ରଚାର ମାଡ୍ତାନ୍ ସେଙ୍ଗେ ବେସୁର୍ ନା ବକେଡ୍ ଅଣ୍ଟ୍ ତାନ୍ ମାର୍ଦିଙ୍କ୍ କେଡ୍‌ତଣ୍ଟ୍, ଇଦ୍ ବିଷୟ କେତାନ୍ ସେଙ୍ଗେ ନାନ୍ ମେଣ୍ଟେ ବେନନ୍ ବକେଡ୍ ଅନ୍‌ଝେ ମାଡ୍‌ତାନ୍ ।

୧୭ ଇଦ୍‌ରକମ୍ କି ନା ମୁନ୍ନେ ବେନ ପାଡିୟମାଡ୍ତାନ୍ ପ୍ରେରିତଶିଷ୍ୟ ଆସ୍‌ମାଡ୍‌ତଡ୍, ଅଡ୍‌ତଡ୍ କାୟଲାନଙ୍କ୍ ମିକା ନାନ୍ ଯିରୁଶାଲେମ୍‌ତାଗ୍ ଆନ୍‌ଝେ ମାଡ୍‌ତାନ୍ । ନାନ୍ ସାଙ୍ଗେ ସାଙ୍ଗେ ଆରବ୍ ଦେଶ୍‌ତାଗ୍ ଆଡ୍‌ତାନ୍ ମେଣ୍ଟେ ତାନ୍ ପେକେ ଦାମାସ୍କସ୍ ତାଗ୍ ମାଲ୍‌ସ୍ ଝାସ୍‌ମାଡ୍‌ତାନ୍ ।

୧୮ ✧ ଇଦିନ୍ ମୁଣ୍ଟ୍ ହେଣ୍ଟ୍ ପେକେ ନାନ୍ ପିତର୍ ତଡ୍ କାୟଲାନ ସେଙ୍ଗେ ଯିରୁଶାଲେମ୍‌ତାଗ୍ ଆଡ୍‌ତାନ୍ ନୁ ଅନ୍ ତଡ୍ ପୟର୍ ଦିନ୍ ମାଡ୍‌ତାନ୍ ।

୧୯ ପ୍ରବୁନ୍ ତାମୁଣ୍ଟ୍ ଯାକୁବଙ୍କ୍ ଝିଡ୍‌ସ୍‌କେ ନାନ୍ ମେଣ୍ଟେ ବେନନ୍ ପ୍ରେରିଡ୍ ଶିଷ୍ୟ ତଡ୍ କାୟଲ୍‌ଝେ ମାଡ୍‌ତାନ୍ ।

୨୦ ନାନ୍ ବାଡ୍ ଲେକୁତାନ୍, ଆଦ୍ ନିଜାମ୍; ଇଶ୍ବର ପୁଡ୍‌ତଣ୍ଟ୍, ନାନ୍ ମିଡ୍ କେଲନ୍ !

୨୧ ଇଦିନ୍ ପେକେ ନାନ୍ ସିରିଆ ନୁ ସିଲିସିଆଡେ ନାଗେ ଜାଗେତାଗ୍ ଆଞ୍ଜ୍ ମାଡ୍‌ତାନ୍ ।

୨୨ ଆଦ୍ ସମୟଡେ ଯିଉଦା ପ୍ରଦେଶ୍‌ତାଗ୍ ମାନ୍ଦାନ୍ କ୍ରିଷ୍ଟିୟାନ୍ ମଣ୍ଟିଲିଡେ ନାରୁଡ୍ ନାକିଙ୍କ୍ ଲେକେଡ୍ ପୁନ୍‌ଝେ ମାଡ୍‌ତଡ୍ ।

୨୩ ନା ବିଷୟଡେ ବାଗାଡ୍ ନାରୁଡ୍ ବାଡ୍ କେସ୍‌ମାଡ୍‌ତଡ୍, ଅଡ୍ ଆସର୍‌କେ ପୁଞ୍ଜ୍ ମାଡ୍‌ତଡ୍ । ଅଡ୍‌ତିର୍ଯ୍ୟାନାଦ୍ ଅଡ୍ କେଞ୍ଜି ମାଡ୍‌ତଡ୍, “ବେନ୍ ନାରୁଣ୍ଟ୍ ମାକିଙ୍କ୍ ତାଡ୍‌ନା ମାଡ୍‌ମାଡ୍‌ତଣ୍ଟ୍ ନୁ ଅଣ୍ଟ୍‌ଦାମ୍ ମାନ୍

✧ ୧:୧୪ ପ୍ରେରିତ ୨୨:୩. ✧ ୧:୧୫ ପ୍ରେରିତ ୯:୩-୬; ୨୨:୬-୧୦; ୨୬:୧୩-୧୮. ✧ ୧:୧୮ ପ୍ରେରିତ ୯:୨୭-୩୦.

ଦର୍ମତଙ୍କ ଦଂସ ମାଡ଼ାନଙ୍କ ଚାଏମ୍ ଆସମାଡ଼ତଣ୍ଡ, ଇଞ୍ଜେ ଅଣ୍ଡ ଆଦେ
ଦର୍ମତଙ୍କ ପ୍ରଚାର ମାଡ଼ତୁଣ୍ଡ !”

^{୨୪} ଆଦିନ୍ ମାୟଦିଙ୍କ ଅଡ଼, ନା ସେଙ୍ଗେ ଇଶ୍ବରତିଙ୍କ ପ୍ରସଂଶା
ମାଡ଼ିମାଡ଼ତଡ଼ ।

୯

ପାଉଲ ନୁ ମେଣ୍ଡେବାଗାଡ଼ ପ୍ରେରିଡ଼ ଶିଷ୍ୟଡ଼,

^୧ ✠ତୁଉଦ ହେଣ୍ଡ ପେକେ ନାନ୍ ବର୍ଣ୍ଣବାନ୍ ତଡ଼, ଯିରୁଶାଲେମ୍‌ତାଗ୍
ମାଲ୍‌ତଡ଼ାନ; ନା ତଡ଼, ତିତସଡ଼ିଙ୍କ ମିକା ଆସ୍ ମାଡ଼ତାନ ।

^୨ ଆଗ୍ ଆଦାନଙ୍କ ଆଦତେ ଇଞ୍ଜ ଇଶ୍ବରତାଦ୍ ଆଦେଶ୍ ସେଙ୍ଗେ
ନାନ୍ ଆଞ୍ଜ୍ ମାଡ଼ତାନ । ଅଣଇହୁଦୀଡ଼, ବକେଡ଼ ନାନ୍ ବେନ୍
କାରୁର୍ ପ୍ରଚାର ମାଡ଼ତାନ, ଯିରୁଶାଲେମ୍‌ତେ ନେତାଲଡ଼କ୍ ଅଣ୍ଡୟ୍
ପ୍ରାଇବେଟ୍ ମିଟିଙ୍ଗ୍ ମାଡ଼ି ବୁଜା ମାଡ଼ତାନ । ନାୟାଦ୍ ମୁନେତାଦ୍ ନୁ
ଇଞ୍ଜେତାଦ୍ ପାଡ଼ୟି ବେଲା ଆସାମ୍ ଆନ୍‌ମାକି ଆଦିନ୍‌ମାଇଦିଙ୍କ ନାନ୍
ଉଡ଼ମାଡ଼ତାନ ।

^୩ ନା ସାଙ୍ଗ୍ ତିତସ୍ ଝେରଣ୍ଡ ଗ୍ରୀକ୍ ନାରୁଣ୍ଡ ଆକ୍ ମିକା, ଅଂକିଙ୍କ
ସୁନ୍ନତ* ଆଦାନଙ୍କ କେଲ୍‌ଝେ ମାଡ଼ତଡ଼ ।

^୪ ଆଗେକ୍‌ବା ବେସ୍‌କ୍‌ତୁଡ଼, ଅଂକିଙ୍କ ସୁନ୍ନତ ମାଡ଼ାନଙ୍କ ଚାଏମ୍
ଆସମାଡ଼ତଡ଼ । ଅଡ଼, ବିଶ୍ବାସି ଦାଦାଲଡ଼, ଇଞ୍ଜ ବୁସାମାଡ଼ି ତଙ୍ଗାଲଡ଼,
ଲେକାମ୍ ମାୟାଗ୍ କାୟଲି ମାଡ଼ତଡ଼ । କ୍ରିଷ୍ଟ ଜିସୁନ୍ ତଡ଼, କାୟଲି
ମାମ୍ ବେନ୍ ସ୍ବାଦିନତା ପାଏମ୍ ଆଡ଼ତମ୍, ଆଦି ବିଷୟ୍ ପୁନ୍‌ନାଙ୍କ
ଅଡ଼ ଆଲ୍‌ସମାଡ଼ତଡ଼ । ମାକିଙ୍କ ମେଣ୍ଡଅନ୍‌ଦାମ୍ ନିୟମ୍‌ତେ ଚାକର୍
ମାଡ଼ାନଙ୍କ ଅଡ଼ ଚାଏମ୍ ଆସମାଡ଼ତଡ଼ ।

^୫ ଇଡ଼କେ ମି ସେଙ୍ଗେ ମେଲ୍‌ତା କାରୁର୍‌ତାଗ୍ ମାୟାନ୍ ସଡ଼ତିଙ୍କ
ନେଃଏତାନ୍ ସେଙ୍ଗେ ମାମ୍ ଆ ନାରୁଡ଼କିଙ୍କ ସେନେକ୍‌ଡ଼ିଙ୍କ ମିକା
ପଡ଼ିୟେ ଇଝେମାଡ଼ତମ୍ ।

^୬ ବେନଡ଼, ନେତାଲଡ଼, ଇଞ୍ଜ ଏଞ୍ଚି ମାଡ଼ତଡ଼, ଅଡ଼, ବେନ ଆୟି
ଆୟିଣ୍ଡ, ଆଗେ ନାୟାଦ୍ ବାଡ଼ ଆନ; ବାଡେଙ୍କିଇଡ଼କେ ବ୍ୟବହାର୍ ଉଡ଼ି

✠ ୨:୧ ପ୍ରେରିତ ୧୧:3୦; ୧୫:୨. * ୨:୩ ସୁନ୍ନତ

ଇଶ୍ଵର ବେନତ୍ତକ୍ ବିଚାର ମାତ୍ର, ଆ ନେତାଲତ୍ ନାକିଙ୍କ ବାତ୍ ପୁନାଦ୍ ଶିକ୍ଷା ଇଞ୍ଜିତ୍ ।

୭ ମେଣ୍ଟନ୍ ରକମ୍ ଅତ୍ ଉଡି ମାତ୍ରତତ୍, ଯେ, ଇଶ୍ଵର ବେଦ୍ ପୁରୁଷ୍ ଇଉଦୀତ୍ ବକେତ୍ ମେଲ୍ତା କାବୁର୍ ପ୍ରଚାର ମାତ୍ରାନ୍ ଦାୟିତ୍ଵ ପିତରତିଙ୍କ୍ ଇସ୍ ମାତ୍ରତତ୍, ଆଦେ ପୁରୁଷ୍ ଅଣାୟିହୁଦିତ୍, ବକେତ୍ ମେଲ୍ତା କାବୁର୍ ପ୍ରଚାର ମାତ୍ରାନ୍ ଦାୟିତ୍ଵ ନାକିଙ୍କ୍ ଇତ୍ତତ୍ ।

୮ ବାତେଙ୍କ୍ ଇତ୍ତକେ ପିତର ବେଦରକମ୍ ଇଶ୍ଵରତେ ଶକ୍ତିତତ୍, ଇଉଦିତ୍, ସେଙ୍ଗେ ପ୍ରେରିତ୍ ଶିଷ୍ୟତ୍, ଲେକାମ୍ ନିୟୁକ୍ତି ଆସ୍ ମାତ୍ରତତ୍, ନାନ୍ ମିକା ଟିକ୍ ଆଦେ ପୁରୁଷ୍ ଇଶ୍ଵରତେ ଶକ୍ତିତତ୍, ଅଣାୟିହୁଦୀତ୍, ସେଙ୍ଗେ ପ୍ରେରିତ୍ ଶିଷ୍ୟତ୍, ଲେକାମ୍ ନିୟୁକ୍ତି ଆତ୍ତାନ୍ ।

୯ ଗୁଞ୍ଜେ ଇନା ପୁଞ୍ଜିମାନ୍ ଯାକୁବ, ପିତର ନୁ ଯୋହନ୍ ସ୍ଵୀକାର ମାତ୍ରତତ୍, ଯେ, ଇଶ୍ଵର ନାକିଙ୍କ୍ ଇଦ୍ ପାତ୍ରିୟ ମାତ୍ରାନ୍ ଦାୟିତ୍ଵ ଇସ୍ ମିୟେଣ୍ । ଆଦିଙ୍କ୍ ଅତ୍ ନାକିଙ୍କ୍ ନୁ ବର୍ଣ୍ଣବାଙ୍କ୍ ସାହାଯ୍ୟ ମାତ୍ରାନ୍, ଇଞ୍ଜି ପ୍ରେମତେ ଗ୍ରହନ୍ ମାତ୍ରମାତ୍ରତ୍ । ବର୍ଣ୍ଣବା ନୁ ନାନ୍ ଅଣାୟିହୁଦିତ୍, ଲୋପେ ମେଣ୍ଟେ ଅତ୍ ଇଉଦିତ୍, ଲୋପେ ପାତ୍ରିୟ ମାତ୍ରତତ୍, ଇଞ୍ଜି ମାମ୍ ରାଜି ଆସ୍ ମାତ୍ରତତ୍ ।

୧୦ ଅତ୍ ଇସ୍ତରେ ଅନୁରୋଦ୍ ମାତ୍ରମାତ୍ରତତ୍, ଯେ, ତାମ୍ ମାନ୍ଦେତାଗ୍ ମାନ୍ଦାନ୍ ଅବାବତେ ମାନ୍ଦାନ୍ ନାରୁଡକିଙ୍କ୍ ଏକେ ମାତ୍ରତତ୍ । ଆଦ୍ ବିଷୟ ନାକିଙ୍କ୍ ଗାଟି ଇଚ୍ଛା ମାତ୍ରତେ ।

ଆଣ୍ଟିୟୋକିତାଗ୍ ପିତରତିଙ୍କ୍ ପାଉଲ୍ ଦୋଷି ମାତ୍ରତତ୍

୧୧ ପିତର ଆଣ୍ଟିୟୋକିତାଗ୍ ଖାସ୍ ମାନ୍ଦାନ୍ ଖେଲେ ନାନ୍ ଅଂକିଙ୍କ୍ ମାନା ମାତ୍ରମାତ୍ରତାନ୍, ବାତେଙ୍କ୍ ଇତ୍ତକେ ନିଜାମ୍ ବୁଲ୍ ପାତ୍ରିୟ ମାତ୍ରମାତ୍ରତତ୍ ।

୧୨ ଯାକୁବ ରଅତେ ବେସ୍ କିତ୍ତୁତ୍, ନାରୁଡ୍ ଆଗେ ଖାଦାନ୍ ମୁନେନ୍, ପିତର ଅଣାୟିହୁଦି ଦାଦାଲତ୍, ନୁ ଏଲାସ୍ତାନ୍ ତତ୍, ତିଞ୍ଜି ମାତ୍ରତତ୍ । ଇତ୍ତକେ ଆ ନାରୁଡ୍, ଖାତ୍ତେ ପେକେ, ଅଣ୍ଟି ଆଗାଙ୍କ୍ ତେଦି ମାତ୍ରତତ୍ । ଅତ୍, ତତ୍, ମେଣ୍ଟେ ଅଣ୍ଟି ତିନଣ୍ଟି, କାରନ୍ ଅଣାୟିହୁଦିତ୍, ସ୍ଵନ୍ନତ ଆଦାନାଦ୍ ଦରକାର୍ ଇଞ୍ଜି ବେନ କେସ୍ ମାତ୍ରତତ୍, ଅଣ୍ଟି ଅତ୍ତକିଙ୍କ୍ ଖେରସ୍ ମାତ୍ରତତ୍ ।

୧୩ ମେଣ୍ଡେ ବାଗାତଡ଼, ଇଉଦିଡ଼, ଦାଦାଲଡ଼, ପିତର ତଡ଼, କାୟଲି କାରାପ ବ୍ୟବହାର ମାଡ଼ିମାଡ଼ତଡ଼, ଇଦ୍ ରକମ୍ କି ବର୍ଣ୍ଣବା ମିକା ଅଡ଼, ଗର୍ତ୍ତାର ରାୟତଣ୍ଡ ।

୧୪ ନାନ୍ ଉଡ଼ତାନ୍ ଯେ ମେଲ୍‌ତା କାବୁରତେ ସଡ଼ ଲେକାମ୍ ଅଡ଼, ସାୟେ ବ୍ୟବହାର ମାଡ଼ତ, ନାନ୍ ଅଡ଼୍‌ମୁନ୍‌ନେ ପିତରତିଙ୍କ କେଡ଼ତାନ୍, “ଯଦି ନିମେ ଇଉଦି ଆସ୍ ଅଣଇହୁଦି ଲେକାମ୍ ବାଦ୍‌କୁତିନ୍, ତ ଇହୁଦିଡ଼, ଲେକାମ୍ ବାଦ୍‌କାନଙ୍କ ନିମେ ଅଣଇହୁଦିଡ଼କ୍ ବେଲା କେତିତିନ୍ ?”

ବିଶ୍ୱାସ ତଡ଼ ପରିତ୍ରାଣ ଦରକିଡ଼

୧୫ ନିଜାମ୍ ମାମ୍ ଜନମ୍ କଞ୍ଚ ଇହୁଦି; କେତାନ୍ ଇସାବତେ “ପାପି ଅଣଇହୁଦି,” ଆୟମ୍ ।

୧୬ ଫାମ୍ ପୁଡ଼ତମ୍ ନିୟମ୍‌ତାଦ୍ ଦାବିସାରେ ପୁରା ମାଡ଼କେ ଆୟ, ମାତର ଜିସୁ କ୍ରିଷ୍ଟନାଗ୍ ବିଶ୍ୱାସ ମାଡ଼କେ ଅର୍ଡୁଣ୍ଡ ଇଶ୍ୱରତେ କଣ୍ଡେତାଗ୍ ନିର୍ଦ୍ଦୋଷ୍ ଆଦତଣ୍ଡ । ଇଶ୍ୱରତେ କଣ୍ଡେତାଗ୍ ଦାର୍ମାମ୍ ଆଦାନ୍ ସେଙ୍ଗେ ମାମ୍ ନିୟମ୍‌ତିଙ୍କ ପୟକଟ ଜିସୁ କ୍ରିଷ୍ଟନାଗ୍ ବିଶ୍ୱାସ ମାଡ଼ତୁମ୍, ବାତେଙ୍କଇଡ଼କେ ଆସାମ୍ ନିୟମ୍ ପାଲନ୍ ମାଡ଼କେ ବେନ ଇଶ୍ୱରତେ ମୁନ୍‌ନେ ଦାର୍ମାମ୍ ଆୟଣ୍ଡ ।

୧୭ ଇଡ଼କେ ଜିସୁ କ୍ରିଷ୍ଟନ୍ ତଡ଼, କାୟଲି ଇଶ୍ୱରତେ କଣ୍ଡେତାଗ୍ ଦାର୍ମାମ୍ ଆଦାନଙ୍କ୍ ତିଆର୍ ଆଡ଼ତେ ଝେଲେ, ଯଦି ମାମ୍ ଗାଲା ଅଣଇହୁଦି ଲେକାମ୍ “ପାପ୍,” ଆସ୍ ମିନ୍‌ନେମ୍, ଇଦିନ୍ ସେଙ୍ଗେ ବାଡ଼ କ୍ରିଷ୍ଟ ଦାୟି ? ଇଲ୍‌ଲେ, ଇଦ୍ ବେସୁର୍ ଆୟ ।

୧୮ ବେନ୍ ନିୟମ୍‌ତାଦ୍ ବନ୍ଦନ୍‌ତିଙ୍କ୍ ନାନ୍ ଓଡ଼ିସ୍‌ତାନ୍, ଆଦିଙ୍କ୍ ମେଣ୍ଡେ ତିଆର୍ ମାଡ଼କେ ନାନ୍ ଦୋଷୀ ଆଦତାନ୍ ।

୧୯ ନିୟମ୍‌ତାଗ୍ ନାନ୍ ପୁରା ତଲ୍‌ତାନ୍, ଆଦ୍ ନିୟମ୍‌ତେ ସେଙ୍ଗେ ନାନ୍ ତଲିଆତାନ୍ । ଇଡ଼କେ ନାନ୍ ଇଶ୍ୱରତେ ମାଇଦିଙ୍କ୍ ଜିଝେ ଆଡ଼ତାନ୍ । କ୍ରିଷ୍ଟନ୍ ତଡ଼ ଅନ୍ କୁଶତାଗ୍ ନାନ୍ ମିକା ତଲ୍‌ତାନ୍ ।

୨୦ ଆଦିଙ୍କ୍ ଇଞ୍ଜେ ନାନ୍ ନିଜାମ୍ ଜିଝେ ଇଲ୍‌ଲେନ୍, ନାୟାଗ୍ କ୍ରିଷ୍ଟ କେ ଜିଝୁଣ୍ଡ । ନାନ୍ ଇଞ୍ଜେ ବେନ୍ ଜିଝୁଣ୍ଡ ବାଦ୍‌କୁତାନ୍, ଆଦ୍ ଇଶ୍ୱରତେ

ମାର୍ଦ୍ଦିକଙ୍କ ନାୟାଦ୍ ବିଶ୍ୱାସ୍ ମାନ୍ୟାନ୍ ସେଙ୍ଗେ ସମ୍ବନ୍ଧ ଆଡ଼ତେ ବେନ ନାକିଙ୍କ ପ୍ରେମ ମାଡ଼ି ତାନ୍ ଜିହ୍ୱଣ୍ ଇଡ଼ତଣ୍ ।

୨୧ ତିନ୍ସେଙ୍ଗେ ଇଶ୍ୱରତେ ଅନୁଗ୍ରହତିଙ୍କ ନାନ୍ ବେସ୍ତର୍ ଅସ୍ତିକାର୍ ମାଡ଼ନ୍ । ବାତେଙ୍କଇଡ଼କେ ନିୟମ୍ ପାଲନ୍ ମାଡ଼ି ଯଦି ବେନ ଇଶ୍ୱରତେ କଣ୍ଢେତାର୍ ଦାର୍ମାମ୍ ଆଦତଣ୍, ଆଲେକେ କ୍ରିଷ୍ଟ ତଲ୍ତାଦ୍ ଆଙ୍ଗଡ଼ାମ୍ ଇଞ୍ଜ କେତାନଙ୍କ ଆଦତେ ।

୩

ନିୟମ୍ ଇଲୁକ୍ ବିଶ୍ୱାସ୍

୧ ଆ ବୁଦ୍ ଇଲ୍ଲେଖେ ଗାଲାତିୟତି ! ବେନ ମିକିଙ୍କ ଇଦ୍ ମନ୍ତ୍ର କାର୍ସପୁତଣ୍ ? କୁଶ ପର ଜିସୁ କ୍ରିଷ୍ଟ ତଲ୍ତାଦ୍ ଗର୍ ମି ଗାରେ ଗାଟି ସାଲେ କେତୁତମ୍ ।

୨ ଅଣ୍ଡୟ ଗର୍ ନାକିଙ୍କ କେଲାର୍, ନିୟମ୍ ପାଲନ୍ ମାଡ଼ି ମିଡ଼୍ ପବିତ୍ର ଆମ୍ବା ପାଏମ୍ ଆଡ଼ତିଡ଼, ନା ମେଲ୍ତା କାବୁର୍ କେଞ୍ଜି ଆଦିଙ୍କ ବିଶ୍ୱାସ୍ ମାଡ଼ି ?

୩ ମିଡ଼୍ ଇଦ୍‌ରକମ୍ ବିଚାର ବାତେଙ୍କ ମାଡ଼ୁଡ଼ିଡ଼ ? ପରମ୍‌ଆମ୍ବାନ୍ ଶକ୍ତିତଡ଼୍ ମିଡ଼୍ ବେନ ଜିହ୍ୱଣ୍ ଆରାମ୍ ମାଡ଼ତିଡ଼, ନିଜର୍ ଶକ୍ତିତଡ଼୍ ଆଦିଙ୍କ ପୁରା ମାଡ଼ାନଙ୍କ ବାତେଙ୍କ ଆଲ୍‌ସୁତିଡ଼ ?

୪ ଅଦିନ୍ ସେଙ୍ଗେ ମିୟାଦ୍ ସାରେ ପାଡ଼୍‌ୟି ବାତେ ଆଙ୍ଗଡ଼ାମ୍ ? ଆଗାଙ୍କ ବାଡ଼ ଶିକ୍ଷା ପାଏମ୍ ଆୟୁଡ଼ିଡ଼୍ କି ?

୫ ମିକିଙ୍କ ନିୟମ୍ ବିଶ୍ୱାସ୍ ମାଡ଼ତାଙ୍କ ଇଶ୍ୱର ବାଡ଼ ତାନ୍ ଆମ୍ବା ଇଡ଼ତଣ୍ ନୁ ମି ଲୋପେ ଆଶର୍ଯ୍ୟ ପାଡ଼୍‌ୟି ସାରେ ମାଡ଼ତଣ୍, ନା ମିଡ଼୍ ମେଲ୍ତା କାବୁର୍ କେଞ୍ଜି ଆଗେ ବିଶ୍ୱାସ୍ ମାଡ଼ୁଡ଼ିଡ଼୍ ଇଞ୍ଜ ?

୬ *ଅବ୍ରାହାମ୍‌ତେ ଗର୍ ଏକେ ମାଡ଼ାର୍ । ଶାସ୍ତ୍ରତାର୍ ଲେକା ମିନ୍ଦେ, “ଅଣ୍ଡ ଇଶ୍ୱରତିଙ୍କ ବିଶ୍ୱାସ୍ ମାଡ଼ତଣ୍ ନୁ ତାନ୍ ବିଶ୍ୱାସ୍‌ତେ ମାଲ୍‌ଦିଙ୍କ ଇଶ୍ୱର ଅଂକିଙ୍କ ଦାର୍ମ ନାରୁଣ୍ ଇଞ୍ଜ ଏଞ୍ଜତଣ୍ ।”

୭ *ବେନଡ଼୍ ବିଶ୍ୱାସ୍ ମାଡ଼ିତଡ଼୍, ଅଡ଼୍ ଅବ୍ରାହାମ୍‌ତେ ନିଜାମ୍ ବଂଶତଡ଼୍ ଇଦ୍ ମିଡ଼୍ ପୁନୁର୍ ।

୮ ମୁନେତ୍ କଞ୍ଚ ଦର୍ମଶାସ୍ତ୍ରତାଗ୍ ଲେକା ମିନ୍ଦେ ଯେ, ବିଶ୍ୱାସ୍ ତତ୍, ଇଶ୍ୱର୍ ଅଣଇହୁଦିତ୍ ମିକା ଦାର୍ମାମ୍ ନାରୁଣ୍ ଇଞ୍ଜ କେଡିତଣ୍ । ଇଦ୍ ଗର୍ ମୁନେନ୍ ଅବ୍ରାହାମ୍‌ତିଙ୍କ୍ କେସ୍‌ମାଡ୍‌ତଣ୍, “ମି ତତ୍, ଇଶ୍ୱର୍ ପୃତିବୀତେ ସାରେ ନାରୁଡ୍‌କିଙ୍କ୍ ଆର୍ଗର୍ ବାଦ୍ ମାଡ୍‌ତଣ୍ ।”

୯ ଅବ୍ରାହାମ୍ ବିଶ୍ୱାସ୍ ମାଡ୍ ଆର୍ଗର୍ ବାଦ୍ ପାଏମ୍ ଆସ୍ ମାଡ୍‌ତଣ୍; ଆଦିଙ୍କ୍ ବେନଡ୍, ବିଶ୍ୱାସ୍ ମାଡ୍‌ତଣ୍, ଅଡ୍, ସାରେତଡ୍, ଅନ୍ ଲେକେମ୍ ଆର୍ଗର୍ ବାଦ୍ ପାଏମ୍ ଆଦ୍‌ତଡ୍ ।

୧୦ ବେନଡ୍, ନିୟମ୍ ପାଲନ୍ ମାଡ୍‌ନାଗ୍ ଆଣେ ଖାଟିତଡ୍, ଅଡ୍, ଅବିସାପ୍ ପାଏମ୍ ଆଦାନ୍ ଜିଝୁଣ୍ ବାଦ୍‌କିତଡ୍ । ବାତେଙ୍କ୍‌ଇଡ୍‌କେ ଦର୍ମଶାସ୍ତ୍ରତାଗ୍ ଲେକାମିନ୍ଦେ, “ମୋଶାନ୍ ନିୟମ୍ ବଇତାଗ୍ ବାଡ୍ ସାରେ ଲେକା ମିନ୍ଦେ, ଯଦି ବେନ ଆଦ୍ ପୁରା ମାଡ୍‌ଣ୍, ଅଂକିଙ୍କ୍ ଇଶ୍ୱର୍ ଅବିସାପ୍ ଇଦ୍‌ତଣ୍ ।”

୧୧ ଆଦିଙ୍କ୍ ଇଗାଙ୍କ୍ ପୁନ୍ଦାନଙ୍କ୍ ଅଦୁଡ୍, ନିୟମ୍ ତଡ୍, ବେନ ଇଶ୍ୱର୍‌ତେ କଣ୍ଡେତାଗ୍ ଦାର୍ମାମ୍ ନାରୁଣ୍ ଆୟଣ୍, ବାତେଙ୍କ୍‌ଇଡ୍‌କେ ଦର୍ମଶାସ୍ତ୍ରତାଗ୍ ଲେକା ମିନ୍ଦେ, “ବିଶ୍ୱାସ୍ ତଡ୍, ଇଶ୍ୱର୍‌ତେ ଗାରେ ନିର୍ଦ୍ଦଷ୍ ମାନ୍ଦାନ୍ ନାରୁଣ୍ ଈ ବାଦ୍‌କିତଣ୍ ।”

୧୨ ମାଡର୍ ନିୟମ୍ ତଡ୍, ବିଶ୍ୱାସ୍‌ତାଦ୍ ବାଡ୍ ସମ୍ପର୍କ ଇଲ୍‌ଲେ । ଦର୍ମଶାସ୍ତ୍ରତାଗ୍ ଲେକା ମିନ୍ଦେ, “ବେନ୍ ନାରୁଣ୍ ନିୟମ୍‌ତାଦ୍ ଦାବୀ ଲେକେଡ୍ ପାଡ୍‌ୟି ମାଡ୍‌ତଣ୍, ଅଣ୍ ବାଦ୍‌କିତଣ୍ ।”

୧୩ ମାଡର୍ କ୍ରିଷ୍ଟ୍ ମାନ୍ ସେଙ୍ଗେ ଆବିସାପ୍ ପାଏମ୍ ଆସ୍ ନିୟମ୍‌ତାଗ୍ ଲେକା ମାନ୍ଦାନ୍ ଅବିସାପ୍ ତାଗାଙ୍କ୍ ମାକିଙ୍କ୍ ମୁଲ୍ଟି ମାଡ୍‌ତଣ୍ । ଦର୍ମଶାସ୍ତ୍ରତାଗ୍ ଲେକା ମିନ୍ଦେ, “ବେନ୍ ମାଡେତାଗ୍ ଗୁଲ୍‌ଝିଡି ଡଲିତଣ୍, ଅଣ୍ ଇଶ୍ୱର୍ ତଡ୍, ଅବିସାପ୍ ପାଏମ୍ ମାଡ୍‌ତଣ୍ ।”

୧୪ ଇଶ୍ୱର୍ ଅବ୍ରାହାମ୍‌ତିଙ୍କ୍ ବେନ୍ ଆର୍ଗର୍ ବାଦ୍ ଇଦାନଙ୍କ୍ ପ୍ରତିଜ୍ଞା ମାଡ୍‌ମାଡ୍‌ତଣ୍, ଅଣଇହୁଦୀଡ୍, ଗାଲା ବେଲା ଆଦ୍ ପାଏମ୍ ଆଦ୍‌ତଡ୍, ଆଦିନ୍ ସେଙ୍ଗେ କ୍ରିଷ୍ଟ୍ ଇଦ୍ ପାଡ୍‌ୟି ମାଡ୍‌ତଣ୍ । ଆଦିଙ୍କ୍ ବିଶ୍ୱାସ୍ ମାଡ୍‌କେ ମାମ୍ ଗାଲା ଇଶ୍ୱର୍ କେତାନ୍ ଲେକାମ୍ ପବିତ୍ର ଆମ୍ ପାଏମ୍ ଆଦ୍‌ତମ୍ ।

ନିୟମ୍ ନୁ ପ୍ରତିଜ୍ଞା

୧୫ ଦାଦାଲଡ଼ି ନୁ ହେଲାୟା ! ନାନ ଅଣ୍ଟୟ ଉଦାରନ୍ ଇଦୁତାନ, ବେସୁର୍ ଇର୍ଝୁଡ଼୍ ବାଡ଼ଆୟି ବିଷୟତେ ଅଣ୍ଟୟ ରୁକ୍ତି ମାଡ଼ିତଡ଼୍, ବେନ ଆଦ୍ ରୁକ୍ତିତିଙ୍କ୍ ଝେରେ ମାଡ଼ାନଙ୍କ୍ ପାର୍ଝଣ୍ ବା ଆଗେ ବାଡ଼ କାଲ୍‌ପାନଙ୍କ୍ ପାର୍ଝଣ୍ ।

୧୬ ଅବ୍ରାହାମ୍ ନୁ ତାନ ବଂଶତଡ଼୍ ଗାରେ ଇଶ୍ବର୍ ତାନ ପ୍ରତିଜ୍ଞା ମାଡ଼ିମାଡ଼ତଣ୍ । ଇଡ଼କେ ଇଦ୍ ବିଷୟ “ମି ବଂଶତଡ଼୍ ସେଙ୍ଗେ,” ବା ନାଗେ ନାରୁଡ଼୍ ସେଙ୍ଗେ ଇଞ୍ଜ ଶାସ୍ତ୍ରତାଗ୍ ଲେକା ଇଲ୍‌ଲେ, “ମି ବଂଶତଡ଼୍ ସେଙ୍ଗେ,” କେ ଇଞ୍ଜ ଇଦ୍ ଗର୍ ମୁନେନ୍ ଅବ୍ରାହାମ୍‌ତିଙ୍କ୍ କେସ୍‌ମାଡ଼ତଣ୍ ଲେକା ମିନ୍ଦେ । ଆଦିଙ୍କ୍ ଆଦ୍ ଶାସ୍ତ୍ର ଅର୍ଡ଼ଣ୍ ନାରୁଣ୍, ବା କ୍ରିଷ୍ଟଟେନ୍ ସେଙ୍ଗେ ଟିକ୍ ।

୧୭ ନାୟାଦ୍ କେତାନ ଅର୍ଡ଼ ଆଦୁଡ଼୍, ଇଶ୍ବର୍ ଅବ୍ରାହାମ୍ ତଡ଼୍ ଅଣ୍ଟୟ ରୁକ୍ତି ମାଡ଼ିମାଡ଼ତଣ୍ ନୁ ଆଦ୍ ରକ୍ଷା ମାଡ଼ାନଙ୍କ୍ ପ୍ରତିଜ୍ଞା ମାଡ଼ିମାଡ଼ତଣ୍ । ବେନ୍ ନିୟମ୍ ଚାରିଶହ ଡିରିଣ୍ ଏଣ୍ ପେକେ ତିଆର୍ ଆଡ଼ତେ, ଆଦ୍ ଆ ରୁକ୍ତିତିଙ୍କ୍ ଝେରେ ମାଡ଼ି ଇଶ୍ବର୍‌ତେ ପ୍ରତିଜ୍ଞାତିଙ୍କ୍ ବନ୍ଦ୍ ମାଡ଼େ ପାର୍ଝଣ୍ ।

୧୮ ✧ ଇଶ୍ବର୍‌ତେ ପ୍ରତିଜ୍ଞା ଆଶି ବାଦ୍ ଯଦି ନିୟମ୍ ପାଳନ୍ ମାଡ଼ାନ ତଡ଼୍ ସାମାନ୍, ଆଲେକେ ଆଦ୍ ଅନାଦ୍ ପ୍ରତିଜ୍ଞା ଇଞ୍ଜ କେତାନଙ୍କ୍ ଆୟ । ଆଦିଙ୍କ୍ ଇଶ୍ବର୍ ଅନାଦ୍ ପ୍ରତିଜ୍ଞା ଲେକାମ୍ ଆଦ୍ ଆଶି ବାଦ୍ ଅବ୍ରାହାମ୍‌ତିଙ୍କ୍ ଇଡ଼ତଣ୍ ।

୧୯ ଆଲେକେ ନିୟମ୍ ବାଡେଙ୍କ୍ ତିଆର୍ ଆଡ଼ତେ ? ନାରୁଡ଼ାଦ୍ ସାରେ କାରାପ୍ କାମ୍ ତଅସିଦାଙ୍କ୍ ଆଦିନାଦ୍ କାମ୍ ମାଡ଼ତେ ମେଣ୍ଡେ ଅବ୍ରାହାମ୍‌ତେ ବେନ୍ ବଂଶତଡ଼୍‌କିଙ୍କ୍ ଉଡ଼ି ଇଶ୍ବର୍ ଆଦ୍ ପ୍ରତିଜ୍ଞା ମାଡ଼ିମାଡ଼ତଣ୍, ଆ ନାରୁଣ୍ ଝାନା ଯାକ ନିୟମ୍ ଦର୍କାର୍ ମାଡ଼ତେ । ଅର୍ଡ଼ଣ୍ ନାରୁଙ୍କ୍ ନାଡ଼ମେ ମାଡ଼ି ଦୂତକିନ୍ ତଡ଼୍ ନିୟମ୍ ତିଆର୍ ଆସ୍‌ମାଡ଼ତେ ।

୨୦ ଇଡ଼କେ ପ୍ରତିଜ୍ଞା ତଡ଼୍ ମାଡ଼ର୍ ଝେରଣ୍ ନାରୁଣ୍ କାଈଲି ମାଡ଼ତଣ୍ । ଅଣ୍ ଅଦୁତଣ୍ ନିଜେ ଇଶ୍ବର୍ ।

ନିୟମ୍‌ତାଦ୍ ଉଦ୍ଦେଶ୍ୟ

୨୧ ନିୟମ୍ ବାଡ଼ ଇଶ୍ଵରତେ ପ୍ରତିଜ୍ଞାତିଙ୍କ ବିରୁଦ୍ଧ ମାଡ଼ତୁଟ ?
ଇଲ୍ଲେ, ବେସ୍ତୁର୍ ଆୟ୍‌ୟ ! ବାତେଙ୍କଇଡ଼କେ ନାରୁଣ୍ଡତିଙ୍କ ଜିଝୁଣ୍ଡ
ଇଦାନ୍ ରକମ୍ ଯଦି ଅଣ୍ଡୟ ନିୟମ୍ ତିଆର୍ ଆସମାନେଡ଼, ଆଲେକେ
ଆଦ୍ ପାଲନ୍ ମାଡ଼ି ନାରୁଡ଼, ଇଶ୍ଵରତେ କଣ୍ଢେତାଗାଙ୍କ ନିର୍ଦ୍ଦୋଷ୍
ଆୟେଡ଼ ।

୨୨ ଇଡ଼କେ ଦର୍ମଶାସ୍ତ୍ରତାଗ୍ ଲେକା ମିନ୍ଦେ, ସାରେ ନାରୁଣ୍ଡ ପାପ୍
ଅଦିନ୍‌ତେ ମିନ୍ଦେଡ଼, ଆଦିଙ୍କ ବେଲା ଜିସୁ କ୍ରିଷ୍ଟନାଗ୍ ବିଶ୍ଵାସ୍ ମାଡ଼ି
ପ୍ରତିଜ୍ଞା ଆଗ୍ ବାଦ୍ କ୍ରିଷ୍ଟ ବିଶ୍ଵାସୀଡ଼ ପାଏମ୍ ଆଦତଡ଼ ।

୨୩ ବିଶ୍ଵାସ୍‌ତେ ଯୁଗ୍ ଖାଦାନ୍ ମୁନେନ୍ ନୁ ପ୍ରଚାର୍ ଆଦାନ୍ ଯାକ
ନିୟମ୍ ମାନ୍ ସାରେତଡ଼କିଙ୍କ ତହସ୍ ନେଃଏସ୍ ମାଡ଼ତେ ।

୨୪ କ୍ରିଷ୍ଟ ଖାଦାନ୍ ଯାକ ନିୟମ୍ ମାନ୍ ମେସ୍ତେର୍ ଇନା ମାଡ଼ତେ;
ଇଡ଼କେ ତାନ୍ ପେକେ, ମାତର୍ ବିଶ୍ଵାସ୍ ତଡ଼୍‌ମାମ୍ ଇଶ୍ଵରତେ ମୁନେନ୍
ଦାର୍ମାମ୍ ଆଦତମ୍ ।

୨୫ ଇଞ୍ଜେ ବିଶ୍ଵାସ୍‌ତାଦ୍ ଯୁଗ୍ ଏଝୁତେ, ମାମ୍ ମେଣ୍ଡେ ନିୟମ୍‌ତେ
ଆଦିନ୍ ଇଲେମ୍ ।

୨୬ ବିଶ୍ଵାସ୍ ତଡ଼୍ ଜିସୁ କ୍ରିଷ୍ଟନାଗ୍ କାୟ୍‌ଲି ମିଡ଼୍ ସାରେତଡ଼ ଇଶ୍ଵରତେ
ମାର୍‌ମାୟାସ୍ ଆଡ଼ତିଡ଼ ।

୨୭ ଏରଦିକ୍ଷା ତଡ଼୍ ମିଡ଼୍ ସାରେତଡ଼ି କ୍ରିଷ୍ଟନ୍ ତଡ଼୍ ଅଣ୍ଡୟ ଆଡ଼ତିଡ଼,
ନୁ ଇଞ୍ଜେ ଜିସୁ କ୍ରିଷ୍ଟନ୍ ଜିଝୁଣ୍ଡ ଲେକାମ୍ ତକା କେରଦୁଡ଼ିଡ଼ ।

୨୮ ଆଦିଙ୍କ୍ ଯହୁଦି ନୁ ଅଣଇହୁଦି, କ୍ରିତଦାସ ନୁ ସ୍ଵାଦିନ୍ ନାରୁଡ଼,
ମାନେୟ୍ ଆୟି କି ନାଟାଡ଼ ଆୟି ତାମ୍ ଲୋପେ ବାତେ ଖେରେ
ଇଲ୍ଲେ । ମିଡ଼୍ ସାରେତଡ଼ି ଜିସୁ କ୍ରିଷ୍ଟନ୍ ତଡ଼୍ କାୟ୍‌ଲି ଅଣ୍ଡୟ
ଆଡ଼ତିଡ଼ ।

୨୯ ☆ ଯଦି ମିଡ଼୍ କ୍ରିଷ୍ଟନ୍ ନାରୁଡ଼ି, ଆଲେକେ ମିଡ଼୍ ଗାଲା ଅବ୍ରାହାମ୍‌ତେ
ବଂଶତଡ଼ି ନୁ ଇଶ୍ଵର୍ ବାଡ଼ ପ୍ରତିଜ୍ଞା ମାଡ଼ତଣ୍ଡ, ଆଦ୍ ପାଏମ୍ ଆଦତିଡ଼ ।

୪

୧ ଇକ୍ଟେ ନାନେ ମିକିଙ୍କ୍ କେତୁତାନ୍ ମାର୍ ବାବାନ୍ ସାରେ ସମ୍ପତ୍ତିଡ଼
ଅଦିକାରି, କିନ୍ତୁ ସାରେ ବିଷୟ୍‌ତେ ଅଦିକାରି ଆଡ଼କେ ଗାଲା ବୟସ୍
ଆୟ୍‌ଖେ ଯାକ ଅଣ୍ଡ ଦାସ ଇନା ମାନ୍ତଣ୍ଡ ।

୨ ପିଲେ ମାନ୍ୟାନୁ ଖେଲେ, ତାମ୍ ବାବାଲ୍ ଟିକ୍ ମାଡ଼ତେ ଆଦ୍ ସମୟ ଖାନା ଯାକ ଖେରେ ନାରୁଡ଼୍ ଯତନ୍ ଆଦତଡ଼୍ ନୁ ସାରେ ବିଷୟ ମାଡ଼ିତଡ଼୍ ।

୩ ଟିକ୍ ଆଦେ ରକମ୍ ମାମ୍ ଗାଲା ଦର୍ମତାର୍ ପିଲେ ମାନ୍ୟାନୁ ଖେଲେ, ଆସୁର୍ ଜଗଡ଼ତାର୍ ପ୍ରାଥମିକ ବିଷୟତେ ଦାସ ମାଡ଼ତମ୍ ।

୪ ପେକେ ବେସୁର୍ ଆଦ୍ ସମୟ ଖାଡ଼ତେ, ଇଶ୍ବର ତାନ୍ ନିଜର୍ ମାରିଙ୍କ ରଅତଣ୍ । ଅଣ୍ଡୟ ନାଟାଡ଼ତାଗାଙ୍କ ଅଣ୍ଡ ଜନମ୍ ଆସ୍ ଇହୁଦୀଡ଼୍ ନିୟମ୍ ଅଦିନ୍ତାର୍ ବାଦକତଣ୍ ।

୫ *ବେଲାକି ଅଣ୍ଡ ଦରକାର୍ ଇସର୍ ଦାମ୍ ଇସ୍ ଆଦ୍ ନିୟମ୍ତେ ବନ୍ଦନତାଗାଙ୍କ ଖେରେ ନାରୁଡ଼କ୍ ମୁକ୍ତି ମାଡ଼ାନଙ୍କ୍ ନୁ ଅଡ଼କିଙ୍କ୍ ଇଶ୍ବରତେ ମାର୍ମାୟାସ୍ ଆଦାନ ସୁଯୋଗ୍ ଇଦାନଙ୍କ୍ ଅନ୍ ଜିହୁଣ୍ଡତାର୍ କାମ୍ ମାଡ଼ତେ ।

୬ ମିଡ଼୍ ଇଶ୍ବରତେ ମାର୍ମାୟାସ୍ ଇଦ୍ ପ୍ରାମାଣ୍ ମାଡ଼ାନୁ ସେଙ୍ଗେ, ଇଶ୍ବର ତାନ୍ ମାରିନ୍ ମେଲ୍ତେ ଜିହୁତିଙ୍କ୍ ମାନ୍ ଜିହୁଣ୍ଡ ଲୋପେ ରଅତଣ୍ । ଆଦ୍ ପବିତ୍ର ଜିହୁ ଗାଟି ଲେଙ୍ଗଦେ କେଡୁଡ଼୍, “ବାବା ! ଆ ନା ବାବା !”

୭ ଆଦିଙ୍କ୍ ମିଡ଼୍ ମେଣ୍ଡେ କ୍ରୀତଦାସ ଆୟୁଡ଼ିଡ଼୍ ମାର୍ମାୟାସ୍ ଆଡ଼ିଡ଼୍ । ମିଡ଼୍ ଅନ୍ ମାର୍ମାୟାସ୍ ଆଡ଼ତାଙ୍କ୍, ଇଶ୍ବର ତାମ୍ ମାର୍ମାୟାସ୍ ନୁ ସେଙ୍ଗେ ବାଡ଼ ନେଃଏତଣ୍, ଆସୁ ସାରେ ମିକିଙ୍କ୍ ଇଦତଣ୍ ।

ଗାଲାତିୟଡ଼୍ ସେଙ୍ଗେ ପାଉଲ୍ତେ ଟିଡ଼େ

୮ ମୁନେନ୍ ମିଡ଼୍ ଇଶ୍ବରତିଙ୍କ୍ ପୁନ୍ଧେ ମାଡ଼ିଡ଼ିଡ଼୍, ଆଦିଙ୍କ୍ ବେନ ନିଜାଡ଼ ଇଶ୍ବର ଆୟଣ୍, ଆଦରକମ୍ ମିଡ଼୍ ଦେୟାକିଙ୍କ୍ ପୁଜେ ମାଡ଼ମାଡ଼ିଡ଼ିଡ଼୍ ।

୯ ଇଡ଼କେ ମିଡ଼୍ ଇଞ୍ଜେ ଇଶ୍ବରତିଙ୍କ୍ ପୁଡ଼ିଡ଼ିଡ଼୍, ଆଦିଙ୍କ୍ ନାନ୍ କେତିତାନ୍, ଇଞ୍ଜେ ଇଶ୍ବର ମିକିଙ୍କ୍ ପୁଡ଼ତଣ୍ । ଆଲେକେ ଇଦ୍ ବେଲା ଆଦତେ ଯେ, ମିଡ଼୍ ମେଣ୍ଡେ ଆସୁ ଶକ୍ତି ଇଲ୍ଲଖେ ନୁ ମୁନେଡ଼ ବିଷୟକିନାକ୍ ମାଲ୍ସ୍ ଆଦାନଙ୍କ୍ ଆଲ୍ସୁଡ଼ିଡ଼୍ ? ମିଡ଼୍ ବାଡେଙ୍କ୍ ମେଣ୍ଡନ୍ଦାମ୍ ଅଡ଼୍ ଦାସ ଆଦାଙ୍କ୍ ଆଲ୍ସୁଡ଼ିଡ଼୍ ?

୧୦ ବିଶେଷ୍ଟ ଗର୍ବ ମିଡ଼ି, ବେସକ୍ ଦିନାମ୍, ନେଲ୍‌ଜ୍, କାଲାନୁ ନୁ
ଝାଡ଼ିଷା ସେଙ୍ଗେ ଗାଟି ମାନୁ ଇଦୁତିଡ଼ି ।

୧୧ ନାନୁ ମି ସେଙ୍ଗେ ଗାଟି ଚିନ୍ତେ ମାଡ଼ିତୁନୁ । ମି ସେଙ୍ଗେ ନାୟାଦ୍
ସାରେ ପାଡ଼ିୟୁ ବାଡ଼ ଆଙ୍ଗଡ଼ାମ୍ ଆଦତେ ?

୧୨ ଦାଦାଲଡ଼ି ନୁ ହେଲାୟ୍, ମିକିଂଙ୍କୁ ନିବେଦନ୍ ମାଡ଼ିତୁନୁ, ନା
ଲେକେମ୍ ଆୟ୍‌ମୁର୍ । ନାନୁ ମି ଲେକେମ୍ ଆଡ଼ତାନୁ ନୁ ମିଡ଼ି, ନାକିଂଙ୍କୁ
କାରାୟ୍ ବ୍ୟବହାର ମାଡ଼ିଡ଼ି ।

୧୩ ନାନୁ ମୁନେଡ଼ିଦାମ୍ ବାଡେଙ୍କୁ ମେଲ୍‌ତା କାବୁର୍ ପ୍ରଚାର
ମାଡ଼ିମାଡ଼ତାନୁ, ଆଦିଙ୍କୁ ଏକେ ମାଡ଼ାର୍ । ଆୟୁର୍ ନାନୁ ଦୁଃକାମ୍‌ତେ
ମାଡ଼ତେ ସେଙ୍ଗେ ନାନୁ ଇଦ୍ କେସ୍‌ମାଡ଼ତାନୁ ।

୧୪ ଇଡ଼କେ ନା ମେୟୁଲ୍ ସାୟେ ଇଲ୍‌ଝେମାଡ଼କେ ମିକା, ମିଡ଼ି,
ନାକିଂଙ୍କୁ ପାୟ୍‌ଡ଼ିଡ଼ି ଆଗେକ୍‌ବା ନାକିଂଙ୍କୁ ଝେରଡ଼ି, ସ୍ୱର୍ଗଦୁତ ଲେକାମ୍
ଗ୍ରହନ୍ ମାଡ଼ିଡ଼ି । କ୍ରିଷ୍ଟ ଜିସୁଙ୍କୁ ମିଡ଼ି, ବେଦପୁରୁଙ୍କୁ ଗ୍ରହନ୍ ମାଡ଼ିଡ଼ି
ଆଦେପୁରୁଙ୍କୁ ନାକିଂଙ୍କୁ ମିକା ଗ୍ରହନ୍ ମାଡ଼ିମାଡ଼ିଡ଼ି ।

୧୫ ମିଡ଼ି, ବେସର୍ ଝେଡ଼କେ ଆସ୍‌ମାଡ଼ିଡ଼ି ! ଇଡ଼କେ ଇଞ୍ଜେ ବାଡ଼
ଆଡ଼ତେ ? ମି ବିଷୟତେ ନାନୁ ଇଦ୍ ଗାଡ଼ସ୍ ଆସ୍ ଦାମ୍ କିତାଦ୍ ଗର୍ବ
କେଡ଼ାଙ୍କୁ ପାର୍‌ଝେନ୍ ଯେ, ଦରକାର ଆଡ଼କେ, ମିଡ଼ି, ନିଜେ ନିଜରତାଝି
କଣ୍ଡା ଟେଣ୍ଡି ତାସ୍ ନାକିଂଙ୍କୁ ଇଝେଡ଼ି ।

୧୬ ଇଡ଼କେ ଇଞ୍ଜେ ନାନୁ ନିଜାମ୍ କେଡ଼ତାଙ୍କୁ ବାଡ଼ ମି ଶତୁ ଆଡ଼ତାନୁ
?

୧୭ ଆ ଝେରେ ନାରୁଡ଼ି, ମିୟାଦ୍ ମଙ୍ଗଲ୍ ସେଙ୍ଗେ ଗାଟି ଇଜା ମିୟେ
ଇଞ୍ଜ ତଅଡ଼ିଡ଼ି । କିନ୍ତୁ ଛୁଗେ ଅଡ଼ିଝାଦ୍ ନିଜାଡ଼ ଉଦ୍‌ବେଶ୍ୟ ଇଲ୍‌ଲେ ।
ଅଡ଼ିଝାଦ୍ ଆଣ୍ଡିୟେ ଇଜା, ବେଲା ମିଡ଼ି, ନାକିଂଙ୍କୁ ପାୟ୍‌ ଅଡ଼ିକିଂଙ୍କୁ ମାନୁ
ମାଡ଼ିଡ଼ି ।

୧୮ ସଡ଼ ଉଦ୍‌ବେଶ୍ୟ ଆସ୍ ଇଜା ମାଡ଼ାନାଦ୍ ସାୟେ । ନାନୁନେ ମି
ଡ଼ି, ମାୟାନ୍ ଝେଲେ ଆୟ୍, ସାରେଦାମ୍ ମିଡ଼ି, ଇଦିନାଦ୍ ସଡ଼ ପୁଞ୍ଜି
ପାର୍‌ଦିଡ଼ି ।

୧୯ ଆ ନା ପିଲାନଡ଼ି, ମିକିଂଙ୍କୁ କ୍ରିଷ୍ଟନ୍ ଲେକେମ୍ ମାଡ଼ି ତିଆର୍
ମାଡ଼ାନୁ ସେଙ୍ଗେ ନାନୁ ମେଣ୍ଡିନ୍‌ଦାମ୍ ଜନମ୍ ମାଡ଼ାନୁ ନପ୍ ପୁନ୍‌ତାନୁ
।

୨୦ ନାନ୍ ଇଞ୍ଜେ ମି ବକେଡ୍ ମାନ୍ତାନ୍ ଇଞ୍ଜ ମାନ୍ ମିନ୍ଦେ, ଆଲେକେ ମି ବିଷୟତେ ନାନ୍ ମେଣ୍ଡନ୍ ଲେକାମ୍ ଆଲ୍‌ସେନ୍ । ନିଜାମ୍ ମି ସେଙ୍ଗେ ନାନ୍ ଗାଟି ଚିତ୍ତେ ମାଡ଼ୁତୁନ୍ ।

ଆଗାର ନୁ ସାରାନ୍ ଗଟ୍

୨୧ ବେନଡ୍, ନିୟମତିଙ୍କ ପୟସ୍ ମାନ୍ଦାଙ୍କ ଆଲ୍‌ସିତଡ୍, ନାନ୍ ଅଡ଼କିଙ୍କ ପାତ୍ରା ମାଡ଼ିତାନ୍, ନିୟମତାଗ୍ ବାଆତେ ଲେକା ମିନ୍ଦେ, ଆଦ୍ ମିଡ୍ ପୁନ୍‌ଝିଡ୍ ?

୨୨ ଆଗେ ଲେକା ମିନ୍ଦେ, ଅବ୍ରାହାମ୍‌ତିଙ୍କ ଇରଝୁଡ୍, ମାରକ୍ ମାଡ଼ତଡ୍, ଝେରଣ୍ କ୍ରିତଦାସିନ୍ ମାର ନୁ ମେଣ୍ଡେ ଅର୍ତୁଣ୍ ତାନ୍ ମୁତେନ୍ ମାର ।

୨୩ କ୍ରିତଦାସିନ୍ ମାର ଆସାମ୍ ଜନମ୍ ଆସ୍ ମାଡ଼ତଣ୍ କିନ୍ତୁ ତାନ୍ ପେଣ୍ଡୁଲ୍ ଆଡ଼ତେ ମୁତେନ୍ ମାର ଇଶ୍ବରତେ ପ୍ରତିଜ୍ଞା ଇସାପ୍ତେ ଜନମ୍ ଆସ୍ ମାଡ଼ତଣ୍ ।

୨୪ ଇଝୁ ସାରେ ଗଟିନାଝ୍ ଅର୍ଥ ମିନ୍ଦେ, ଇଡ଼କେ ଇଝୁ ନାଟା ରେଣ୍ ନିୟମ୍ ଲେକାମ୍; ଅଣ୍ଡୟ ନିୟମ୍ ସିନୟ ମେଟେତାଗାଙ୍କ୍ ଝାସ୍ ମାନ୍ଦାନ୍ ଚିହ୍ନେ, ଆଦ୍ ଦାସନ୍ ସେଙ୍ଗେ ମାର ଜନମ୍ ମାଡ଼ାନାଦ୍, ଆଗାର ଆଦୁଡ୍ ଆଦିନାଦ୍ ଉଦାରନ୍ ।

୨୫ ଆଗାର, ଇଦ୍ ଗଟ୍ ଆରବ ଦେଶ୍‌ତାଗ୍ ସିନୟ ମେଟେତିଙ୍କ୍ କେତିତଡ୍, ମେଣ୍ଡେ ଆଦ୍ ଇଞ୍ଜେଡ୍ ଯିରୁଶାଲେମ୍ ତଡ୍ ସାମାନ୍, ବାତେଙ୍କ୍‌ଇଡ଼କେ ଆଗାର ଲେକେମ୍ ଯିରୁଶାଲେମ୍ ନୁ ଆଗେ ମାନ୍ଦାନ୍ ଆଦିବାସୀ ନାରୁଡ୍ ଇଞ୍ଜେ ଦାସ ଇନା ମିନ୍ଦେଡ୍ ।

୨୬ କିନ୍ତୁ ପୁରଡ୍ ଯିରୁଶାଲେମ୍ ସ୍ବାଦିନ୍, ଆଦ୍ ମାନ୍ ଯାୟ;

୨୭ ଆଦିଙ୍କ୍ ଲେକାମିନ୍ଦେ, “ଆ ଝାଞ୍ଜ ନାଟାନଡ଼ି, ପିଲା ଇଲ୍‌ଝେ ନାଟାନଡ଼ି, ଝେଡ଼କେ ଆୟ୍‌ମୁଟ୍, ବେସୁଟ୍ ତଙ୍କେ ନପ୍ ଆୟ୍‌ଝେ ମାଡ଼କେ ଗାଲା, ଗାଟି ଲେଙ୍କାଦେ ଜୟଜୟ ମାଡ଼ାଟ୍; ବାତେଙ୍କ୍‌ଇଡ଼କେ ମୁଦ୍‌ପାନ୍ ତଡ୍ ମାନ୍ଦାନ୍ ନାଟାଡ୍ କଞ୍ଚି ଝେରଡ୍ ଝିଡ଼ସ୍ତେ ନାଟାଡ଼ତେ ମାରକ୍ ନାଗେ ।”

୨୮ ଆ ଦାଦାଲଡ଼ି ନୁ ହେଲାସ୍, ଅନ୍ ପ୍ରତିଜ୍ଞା ଲେକାମ୍ ମିଡ୍ ଇଞ୍ଜେ ଇଶ୍ବରତେ ଚିଟି ଲେକାମ୍ ମାରକିଡ୍ ।

୨୯ ବାତେଙ୍କ ଇକ୍ରେ ମେନ୍ଦୁଲ ପୟସ୍ ବେନ ପୁଟତଣ୍ଡ, ଅଣ୍ଡ ବେଲା ଆଦ୍ ସମୟତେ ଇଶ୍ବରତେ ନିୟମ୍ ଇସାପତେ ପୁଟତେ, ଅଡ଼କିଂଙ୍କ ତାଡ଼ନା ମାଡ଼ମାଡ଼ତଡ଼, ଆଦେରକମ୍ ଇଞ୍ଜେ ଗାଲା ଆଦୁଡ଼ ।

୩୦ ମାତର୍ ଶାସ୍ତ୍ର ବାଡ଼ କେତୁତେ ? ଦାସିଙ୍କ ନୁ ତାନ୍ ମାରିଙ୍କ ପେସ୍ତିମୁର୍; ବାତେଙ୍କ ଇକ୍ରେ ଦାସିନ୍ ମାର୍ ସ୍ବାଦିନ୍ ନାଟାଡ଼ତେ ମାର୍ ତଡ଼ ଉତ୍ତରାଦିକାରୀ ଆୟଣ୍ଡ ।

୩୧ ଆଦିଙ୍କ ଦାଦାଲଡ଼ି ନୁ ହେଲାସ୍, ମାନାଡ଼ ଦାସିନ୍ ମାର୍ଙ୍କ ଆୟମ୍, ଇଡ଼କେ ପେଣ୍ଡୁଲୁ ଆଡ଼ତେ ନାଟାଡ଼ତେ ମାର୍ଙ୍କ ।

୫

ମିୟାଦ୍ ସ୍ବାଦିନତାଡ଼ିଙ୍କ ସାୟେ ନେଏମୁର୍

୧ ମାନାଡ଼ ସ୍ବାଦିନ୍, ସ୍ବାଦିନତା ମାଇଦିଙ୍କ କ୍ରିଷ୍ଟ ମାନାଙ୍କ ମୁକ୍ତି ମାଡ଼ିମିନ୍ଦେଣ୍ଡ; ଆଦିଙ୍କ ଗାଡ଼ସ୍ ଆସ୍ ମାନୁର୍ ନୁ ଦାସ୍ ଯୁଆଡ଼ିତାଗ୍ ମେଣ୍ଡେ ଯଡ଼େମ୍ ଆୟମାର୍ ।

୨ କେଞ୍ଜାର୍, ନାନ୍ ପାଉଲ୍ ମିକିଙ୍କ କେତୁତାନ୍, ଯଦି ମିଡ଼୍ ସୁନ୍ନତ ଆଦତିଡ଼, ଆଲେକେ କ୍ରିଷ୍ଟଟନ୍ ତଡ଼ ମିୟାଦ୍ ବାଡ଼ ଲାବ୍ ଆୟ ।

୩ ନାନ୍ ସୁନ୍ନତ ପାଏମ୍ ଆଦାନଡ଼୍ ସାରେ ତଡ଼କିଙ୍କ ମେଣ୍ଡନ୍ଦାମ୍ କେତୁତାନ୍ ଯେ, ମୋଗାନ୍ ନିୟମ୍ ସାରେ ପାଲନ୍ ମାଡ଼ାନ୍ ସେଙ୍ଗେ ଅଡ଼ାଦ୍ ଦାୟିଡ଼ ।

୪ ମିଲ୍ ଲୋପେଙ୍କ ବେସ୍କଡ଼ୁଡ଼ ନିୟମ୍ ତଡ଼ ଦାର୍ମାମ୍ ଆଦାନଙ୍କ ଆଲ୍‌ସୁଡ଼ିଡ଼, ମିଡ଼୍ କ୍ରିଷ୍ଟନାଗାଙ୍କ ଝେରେ ଆଡ଼ତିଡ଼, ମିଡ଼୍ ଇଶ୍ବରତେ ଅନୁଗ୍ରହ ତାଗାଙ୍କ ଝେରେ ଆଡ଼ତିଡ଼ ।

୫ ଇଡ଼କେ ମାନାଡ଼ ଆଗେ ନେଏସ୍ ମିନ୍ଦେଡ଼୍ ଯେ, ଇଶ୍ବର୍ ମାନାଙ୍କ ନିର୍ଦ୍ଦୋଷ୍ ମାଡ଼ିତଣ୍ଡ, ମାନ୍‌ୱାଦ୍ ବିଶ୍ବାସ୍ ଲେକାମ୍, ମାନ୍ ଲୋପେ ପାଡ଼ୟି ମାଡ଼ମାନ୍ଦାନ୍ ପବିତ୍ର ଆମ୍ବାନ୍ ଶକ୍ତିତଡ଼୍ ବିଶ୍ବାସ୍ ମାଡ଼ ମାନ୍ଦାନ୍ ସେଙ୍ଗେ ଦାର୍ମାମ୍ ପାଏମ୍ ଆଦାନ୍ ଆସେଡ଼ିଙ୍କ କେପମିନ୍ଦେମ୍ ।

୬ ଆଦିଙ୍କ କ୍ରିଷ୍ଟ ଜିସୁନ୍ ତଡ଼୍ ଜିଝୁଣ୍ଡ ବାଦକେ ସୁନ୍ନତ କି ଅସୁନ୍ନତ ବାତେବା ଝେରେ ମାନ, ଇଡ଼କେ ବିଶ୍ବାସ୍ତାଗ୍ ଗାଡ଼ସ୍ ମାଞ୍ଜ୍ ପ୍ରେମତଡ଼୍ ପାଡ଼ୟି ମାଡ଼ାନାଦ୍ ସାୟେ ।

୭ ମିତ୍, ସାୟେ ଲେକାମ୍ ପାଡ଼ିୟି ମାଡ଼ମାଡ଼ତିଡ଼, ସଡ଼ ଆରତାଗ୍ ଆଦାନ୍‌ସେଲେ ବେନ ମିକିଙ୍କ୍ ମନାମାଡ଼ତଣ୍ ? ଅଣ୍ ବେଲା ସଡ଼ ଆରଦାଗ୍ ଆନ୍‌ମାଟ୍ ଇଞ୍ଜ କେଡ଼ତଣ୍ ?

୮ ମିକିଙ୍କ୍ କାରଙ୍ଗତେ ଇଶ୍ବରତାଗାଙ୍କ୍ ଇଦ୍ ଗଟ୍ ଝାଡ଼ ।

୯ ☆ଗଟ୍‌ତାଗ୍ ମିନ୍ଦେ, “ପିସ୍‌କ୍‌ତେ ମଇଦାତିଙ୍କ୍ ତୟସ୍ତାନ୍ ମାଇଦିଙ୍କ୍ ସୁଦୁର୍ ଇନା କମିର* ଦର୍କାର ।”

୧୦ ଆଦ୍ ବାଡ଼ ଆୟି, ଇଞ୍ଜେକ୍‌ଆନା ମୀଇ ମିଡ଼୍‌ୟେ ମେଣ୍ଡନ୍‌ରକମ୍ ବିଚାର୍ ମାଡ଼୍‌ଝିଡ଼, ଇଦ୍ ନାୟାଦ୍ ମି ବିଷୟ୍‌ତେ ପ୍ରବୁନାଗ୍ ଗାଟି ବିଶ୍ବାସ୍ ମିନ୍ଦେ; ଇଡ଼କେ ମିଡ଼୍ ଗାଟି ଦାନ୍ଦେ ଆଦୁତିଡ଼, ଅଣ୍ ବେନବା ଆୟିଣ୍, ତାନ୍ ଦଣ୍ ପାଏମ୍ ଆଦତଣ୍ ।

୧୧ ଆଦିଙ୍କ୍ ଆ ଦାଦାଲଡ଼ି ନୁ ହେଲାସ୍, ନଡ଼ି, ଯଦି ନାନ୍ ଇଞ୍ଜେ ଗାଲା ସୁନ୍‌ତବିଦି ପ୍ରଚାର୍ ମାଡ଼ତୁନ୍, ଆଲେକେ ବାଡେଙ୍କ୍ ନାନ୍ ଇଞ୍ଜେ ଗାଲା ତାଡନା ପାଏମ୍ ଆଦୁତାନ୍ ? ଆଲେକେ କ୍ରିଷ୍ଟନ୍ କୁଣ୍ ତ ଇଞ୍ଜେ ଅସୁବିଦାତେ ବିଷୟ ଆୟ ।

୧୨ ବେନଡ଼୍ ମିକିଙ୍କ୍ ଇଞ୍ଜେ ଗାଲା ଦାନ୍ଦେ ମାଡ଼ତୁଡ଼, ଅଡ଼କିଂଙ୍କ୍ ମଦଲ୍ କଞ୍ଚ୍ ଯୌନଆଙ୍ଗ କୟ୍‌କେ, ସାୟେ ଆୟେଡ଼୍ ।

୧୩ ଆ ଦାଦାଲଡ଼ି ନୁ ହେଲାସ୍, ନଡ଼ି, ମିଡ଼୍ ସ୍ବାଦିନତା ସେଙ୍ଗେ ଝାଡ଼ତିଡ଼; ଆଦିଙ୍କ୍ ମେନ୍ଦୁଲ୍‌ତେ ଆଗେ ପୁରା ମାଡ଼ାନ୍ ସେଙ୍ଗେ ମଜା ମାଡ଼ମାଟ୍, ମିଡ଼୍ ମି ଲୋପେ ପ୍ରେମତେ ଦାସ ଆୟ୍‌ମୁଟ୍ ।

୧୪ ବାଡେଙ୍କ୍‌ଇଡ଼କେ ସାରେ ନିୟମ୍ ଇଦ୍ ଅଣ୍ଡୟ୍ ବାକ୍ୟତଡ଼୍ ପୁରା ଆଡ଼ତେ, “ମିଡ଼୍ ମିଞ୍ଡଡ଼୍ ଗାରେତଡ଼କିଂଙ୍କ୍ ଜିଞ୍ଜୁଣ୍ ଲେକାମ୍ ପ୍ରେମ ମାଡ଼ମାଟ୍ ।”

୧୫ ମିଡ଼୍ ଯଦି କାସାକାଟି ଆସ୍ ମି ମିଲୋପେ ପୟ୍‌ତିଡ଼ିଡ଼, ଆଲେକେ ସତର୍କ୍ ଆୟ୍‌ମୁଟ୍, ବେଲାକି ମିଡ଼୍ ମି ଲୋପେ ନସଟ୍ ଆୟ୍‌ଝିଡ଼୍ ।

ମେଲ୍‌ତେ ଜିଞ୍ଜେ ନୁ ମାନେୟ୍‌ତେ ବ୍ୟବହାର୍

୧୬ ନାନ୍ କେତାନାଦ୍ ଗଟ୍ ଅଦୁଡ଼, ପବିତ୍ର ଆମ୍ ମିୟାଦ୍ ଆମ୍‌ତିଙ୍କ୍ ଚାଲେମ୍ ମାଡ଼ି, ଆଲେକେ ମିଡ଼୍ ନାରୁଡ଼ାଦ୍ ମେନ୍ଦୁଲ୍ ଲାଲ୍‌ସାତିଙ୍କ୍ ମେଣ୍ଡେପୁରା ମାଡ଼୍‌ଝିଡ଼୍ ।

☆ ୫:୯ ୧ କରନ୍ତିୟ ୫:୭.

* ୫:୯ କମିର ଇକ୍ ରୁଟିତିଙ୍କ୍ ତୟସ୍ତାନାଦ୍ ଗୁଣ୍ଡାଲ୍

୧୭ ☆ବାତେକ୍‌ଇତକେ ମେନ୍‌ଲୁ ଲାଲ୍‌ସା ଜିଝୁଣ୍ଡିକ୍‌ ବିରୁଦ୍ ମାଡ଼ିତ୍, ମେଣ୍ଡେ ଜିଝୁଣ୍ଡିତାଦ୍ ଲାଲ୍‌ସା ମେନ୍‌ଲୁକ୍‌ତିକ୍‌ ବିରୁଦ୍ ମାଡ଼ିତ୍, ଆଦିକ୍‌ ଇଝୁ ରେଣ୍ଡ ଇପାକ୍ ନୁ ଆପାକ୍; ଆଦିକ୍‌ ମିଡ୍ ବାଡ୍ ବାଡ୍ ଇଜା ମାଡ଼ିତିଡ୍, ଆଝୁ ସାରେ ମାଡ଼ାନକ୍ ପାର୍‌ଝିଡ୍ ।

୧୮ ମିଡ୍ ଯଦି ପବିତ୍ର ଆମ୍ବା ତଡ୍ ଚାଲେମ୍ ଆଦତିଡ୍, ଆଲେକ୍ ନିୟମ୍ ଅଦିନ୍‌ତେ ଆୟ୍‌ଝିଡ୍ ।

୧୯ ମେନ୍‌ଲୁକ୍‌ତାଝୁ ପାଡ଼୍‌ୟି ସାରେ ତ ସାୟେ ପୁଡ଼ତାଡ୍, ଦାରି ପାଡ଼୍‌ୟି, ଅଶୁଚି, କାମନା ବା କାରାପ୍ ପାଡ଼୍‌ୟି,

୨୦ ପୁଡ଼ଲାମ୍‌ପୁଜା, ଝାଡେ ବିଦ୍ୟା, ଶତ୍ରୁତା, ଗଲ୍‌କ୍, ଆଂକାର୍, କପାମ୍, ସ୍ଵାର୍ତ୍‌ପର, ମାନ୍ଦେବିରୁଦ୍, ଗର୍ବିରୁଦ୍,

୨୧ ଇର୍ଯ୍ୟା, ମାଡ଼ଝାରି, ରଙ୍ଗରସ, ଇଦ୍‌ଲେକେତ୍ କାମସାରେ; ନାନ୍ ମୁନେକ୍ ବେଲାନ୍ କେସ୍‌ମାଡ଼ତାନ୍, ଆଦେଲେକାମ୍ ମୁନେନ୍ କେତୁତାନ୍ ଯେ, ବେନଡ୍ ଇଝୁ ସାରେ କାମ୍ ମାଡ଼ିତନ୍, ଅଡ୍ ଇଶ୍‌ବର୍ତ୍ତେ ରାଜ୍ୟତାଗ୍ ଅଦିକାରି ଆୟ୍‌ଡ୍ ।

୨୨ ଇଡକେ ପବିତ୍ର ଆମ୍ବାନ୍ ଦାନ ଆଦୁଡ୍ ପ୍ରେମ୍, ଝେଡକେ, ଶାନ୍ତି, ଦର୍ଯ୍ୟ, ଉପକାର୍, ସାୟେତଣ୍ଡ, ବିଶ୍ଵାସତଣ୍ଡ

୨୩ ନମ୍ ନୁ ଆମ୍‌ସଂୟମ୍; ଇଝୁ ସାରେ ବିରୁଦ୍‌ତେ ବାଡେ ନିୟମ୍ ଇଲ୍‌ଲେ ।

୨୪ ବେନଡ୍ କ୍ରିଷ୍ଟ ଜିସୁନ୍ ନାରୁଡ୍, ଅଡ୍ ମେନ୍‌ଲୁକ୍‌ତିକ୍‌ ଆଦିନ୍ ଇଜା ନୁ ଆଶେ ତଡ୍ କ୍ରିଶ୍‌ତାଗ୍ ଆଝୁକ୍‌ତଡ୍ ।

୨୫ ଯଦି ମାନାଡ୍ ପବିତ୍ର ଆମ୍ବାତଡ୍ ଜିଝୁଣ୍ଡି ପାଏମ୍ ଆଡ଼ତାଡ୍, ଆଲେକେ ଅଣ୍ଡ ମାନ୍ ଜିଝେତିକ୍ ମିକା ଚାଲା ମାଡ଼ିଣ୍ଡ ।

୨୬ ମାନାଡ୍ ଆଙ୍ଗଡାମ୍ ଗର୍ବ ତଅସ୍ ମାନ୍ ମାନ୍‌ଲୋପେ କପାମ୍ ଆୟ୍‌ଝାଡ୍ ନୁ ମାନ୍ ମାନ୍‌ଲୋପେ ଇର୍ଯ୍ୟା ଆୟ୍‌ଝାଡ୍ ।



ନଜେ ନିଜର୍‌ଲୋପେ ଦାୟିତ୍ ଆଦିକାଡ୍

୧ ଅ ଦାଦାଲଡି ନୁ ହେଲାସ୍, ନଡି ଯଦି ବେନ ଅପରାଦ୍ ମାଡ଼ି ଦରାପଡେମ୍ ଆଦ୍‌ତଣ୍ଡ, ପବିତ୍ର ଆମ୍ବା ଜିଝୁତଡ୍ ନିଜେ, ମିଡ୍‌ନମ୍ ଆସ୍

ଆସତ୍ ନାରୁଙ୍କୁ ବୁଜା ମାଡ଼ାଟ୍, ଆମ୍ଭ ନିଜେକଟ ପରିକ୍ଷାତାର୍ ରାୟାନଙ୍କ ଆଦତେ, ଆଦିନ୍ ସେଙ୍ଗେ ନିଜେ ସତର୍କ ଆୟମୁଟ୍ ।

୨ ନିଜେ ନିଜର୍ ଦାୟିତ୍ ଆୟମୁଟ୍; ଇଦ୍ ରକମ୍ ମିଡ୍ କ୍ରିଷ୍ଟଟନ୍ ନିୟମ୍ ପୁରା ମାଡ଼ିତିଡ୍ ।

୩ ଯଦି ବେନ ଆୟି ସୁଦ୍ଧନଶ୍ ଆସ୍ ଗାଲା ନିଜେତିଙ୍କ ବାଡ଼ୟଶ୍ ଇଞ୍ଜ ଆଲ୍‌ସିତଶ୍, ଆଲେକେ ଅଶ୍ ନିଜେତିଙ୍କ ବୁସାମାଡ଼ିତଶ୍ ।

୪ ବାତେଙ୍କଇଡ଼କେ ସାରେତଡ୍ ତାମ୍ ପାଡ଼ିୟି ପରିକ୍ଷା ମାଡ଼ିଡ୍, ଆଲେକେ ଅଶ୍ ମେଣ୍ଡେଅଡ଼ିନ୍ ତଡ଼୍‌ତୁଲନା ମାଡ଼କେ ଗର୍ବ ମାଡ଼କଟ ନିଜର୍ ଗର୍ବ ବିଷୟତେ ପୁନ୍‌ଡଶ୍;

୫ ବାତେଙ୍କଇଡ଼କେ ସାରେତଡ୍ ନିଜର୍ ଦାୟିତ୍ କାଞ୍ଜାନଙ୍କ ଆଦତେ ।

୬ ବେନ ଇଶ୍ବରତେ ବାକ୍ୟତଡ୍ ଶିକ୍ଷା ପାଏମ୍ ଆଦତଶ୍, ଅଶ୍ ଶିକ୍ଷା ଇଦାନଡ଼ିକିଙ୍କ ସାରେ ସାୟେଡ୍ ବିଷୟ କେଲିଶ୍ ।

୭ ବୁଲ୍‌କା ଆୟମାଟ୍; ଇଶ୍ବର ବାକ୍‌ସା ନାରୁଶ୍ ଆୟଶ୍; ବାତେଙ୍କଇଡ଼କେ ନାରୁଶ୍ ବାଡ଼୍ ଓଡ଼ିତଶ୍, ଆଦିକେ କୟଦତଶ୍ ।

୮ ଆଦିଙ୍କ ବେନ ନିଜର୍ ମେନ୍ଦୁଲ୍ ଇସାପତେ ଓଡ଼ିତଶ୍, ଅନ୍ ମେନ୍ଦୁଲ୍‌ତାଗାଙ୍କ ତିଆର୍ ଆଡ଼ତେ ତେରାନ୍ ସସ୍ୟତିଙ୍କ କୟଦତଶ୍; ବେନ ଜିହ୍ମ ଇସାପତେ ଓଡ଼ିତଶ୍, ଅଶ୍ ଜିହ୍ମତାଗାଙ୍କ ତିଆର୍ ଆଡ଼ତେ ଅନନ୍ତ ଜିହ୍ମଶ୍ ଲେକାମ୍ ସସ୍ୟ କୟଦତଶ୍ ।

୯ ମାନାଡ଼୍ ସାୟେଡ୍ ପାଡ଼ିୟି ମାଡ଼ାନାଗ୍ ଆୟଞ୍ଜାନାଦ୍ ଆୟ; ବାତେଙ୍କଇଡ଼କେ ଆୟଞ୍ଜେ କଞ୍ଚି ମାଡ଼କେ ଲେକେଡ୍ ସମୟତେ ପେଡେକ୍ କୟଦିତାଡ଼୍ ।

୧୦ ଆଦିଙ୍କ ମାନାଡ଼୍ ସୁୟୋଗ୍ ଇସାପତେ ସାରେତଡ଼ାସ୍, ଅଶ୍ବୟ ଲନ୍‌ତେ ବିଶ୍ବାସି ସାରେତଡ଼ାଦ୍ ସାୟେ ମାଡ଼ିକାଡ଼୍ ।

ମାଡ଼େଙ୍କିତାଦ୍ ସତର୍କ ଗର୍ବ ନୁ ନମସ୍କାର

୧୧ ଉଡ଼ାଟ୍, ବେଲା ବେଡ଼ୟା ଅକର୍ତ୍ତେ ନାଞ୍ଜେ ନିଜର୍ କାୟତଡ୍, ନାନ୍ ମି ବକେଡ୍ ଲେକିମିନ୍ଦେନ୍ ।

୧୨ ବେନଡ୍ ବାୟଦେ କ୍ରିୟାକର୍ମ୍ ମାଡ଼ି କ୍ୟାତି ଆଦାନଙ୍କ ଇଜା ମାଡ଼ିତଡ୍, ଅଡ଼୍ ମିକିଙ୍କ ସୁନ୍ନତ ଆଦାନଙ୍କ ବାଦ୍ୟ ମାଡ଼ିତଡ୍, କ୍ରିଷ୍ଟଟନ୍

କୁଶଳ୍ ସେଙ୍ଗେ ଅଡ଼, ବେଲା ତାଡ଼ନା ପାଏମ୍ ଆୟଡ଼, ଆଦିଙ୍କ ଅଡ଼, ଆଲା ମାଡ଼ିତଡ଼ ।

୧୩ ବାତେଙ୍କିଈଡ଼କେ ବେନଡ଼, ସୁନ୍ନତ ନିୟମତିଙ୍କି ସପର୍ ମାଡ଼ିତଡ଼, ଅଡ଼, ନିଜେ ମୋଶାନ୍ ନିୟମତିଙ୍କି ପାଲନ୍ ମାଡ଼ଡ଼, ଆଦିଙ୍କ ଅଡ଼, ବେଲା ମି ମେୟୁଲ୍ ବିଷୟତେ ଗର୍ବ ମାଡ଼ିତଡ଼, ଆଦିଙ୍କ ଅଡ଼, ମିକିଙ୍କ ସୁନ୍ନତ ମାଡ଼ାନଙ୍କି ଇଈ ମାଡ଼ିତଡ଼ ।

୧୪ ଆଦିଙ୍କି ମାନାଡ଼, ପ୍ରବୁ ଜିସୁ କ୍ରିଷ୍ଟଟନ୍ କୁଶତିଙ୍କି ଓଡ଼ସି ମେଣ୍ଡେ ବେଗେ ଗର୍ବ ମାଡ଼ାନାଦ୍ ନାୟାଗାଙ୍କି ଜେକେ ମାନି; ଅନ୍ ତଡ଼, ନାନ୍ ଜଗଡ଼ ସେଙ୍ଗେ ନୁ ଜଗଡ଼ ନା ସେଙ୍ଗେ କୁଶତାଗ୍ ଡ଼ଲିମିୟେ ।

୧୫ ବାତେଙ୍କି ଇକ୍ସେ ସୁନ୍ନତ କି ଅସୁନ୍ନତ ବାତେ ମିକା ଆୟ, ଆଦିଙ୍କି ପୁରନାଦ୍ ତିଆର୍ ଆଡ଼କେ ସାୟେ ।

୧୬ ମେଣ୍ଡେ ବେସକ୍ତୁଡ଼, ନାରୁଡ଼, ଇଦ୍ ନିୟମ୍ ଇସାୟାତେ ଚାଲେମ୍ ଆଦତଡ଼, ଅଡ଼, ପର ନୁ ଇଶ୍ବରତେ ଇସ୍ରାଏଲ୍ ପର ଶାନ୍ତି ନୁ ଦୟା ଆୟି ।

୧୭ ନେଟଟେ କଞ୍ଚ ମେଣ୍ଡେ ବେନ ନାକିଙ୍କି ତିପାଲ୍ ଆୟମାକି, ବାତେଙ୍କିଈଡ଼କେ ନାନ୍ ନା ମେୟୁଲ୍ତାଗ୍ ଜିସୁନ୍ ଦେବ୍ ଚିହ୍ନେ ପୟସିୟେନ୍, ଆଗାଙ୍କି ତୟୁଡ଼ ଯେ, ନାନ୍ ଜିସୁନ୍ କ୍ରିତଦାସ ।

୧୮ ଆ ଦାଦାଲଡ଼ି ନୁ ହେଲାୟ୍, ନଡ଼ି, ମାନ୍ ପ୍ରବୁ ଜିସୁ କ୍ରିଷ୍ଟଟନ୍ ଅନୁଗ୍ରହ ମିୟାଦ୍ ଜିଞ୍ଜେଡ଼ ତଡ଼, ମାନି । ଆମେନ୍ ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae